





D. JOANNIS BARTHOLOMÆI  
ADAMI BERINGER,

PHILOSOPHIÆ ET MEDICINÆ DOCTORIS IN ALMA EOO & FRANCICA  
WIRCEBURGENSIUM UNIVERSITATE PROFESSORIS PUBL. ORDIN.  
FACULT. MEDICÆ ASSESSORIS, REVERENDISSIMI ET CELSISSIMI  
PRINCIPIS WIRCEBURGENSIS CONSILIARII, ET ARCHIATRI, AULÆ, NEC NON  
PRINCIPALIS SEMINARI DD. NOBILUM ET CLERICORUM, AC MAGNI  
HOSPITALIS JULIANAEI PRIMO LOCO MEDICI,

LITHOGRAPHIA  
WIRCEBURGENSIS,  
DUCENTIS LAPIDUM FIGURATORUM,

A

POTIORI, INSECTIFORMIUM,  
PRODIGIOSIS IMAGINIBUS  
EXORNATA.


EDITIO SECUNDA.




---

FRANCOFURTI ET LIPSIÆ.

APUD TOBIAM GOEBHARDT, BIBLIOPOLAM BAMBERGENSEM  
ET WIRCEBURGENSEM. 1767.







Smithsonian  
Institution  
Libraries

Gift of  
DOROTHY SOHL and  
NORMAN SOHL, JR.  
in Memory of  
DR. NORMAN SOHL



## PROÆMIUM.

**Q**uriosi rerum naturalium vitæ & sensūs expertum scrutatores in duas potissimum classes dividi posse videntur ; quorum altera inferioris mundi aspectabilis pertæsa , toto vultu & animo in cœlum abripitur , siderum , aliorūmque corporum cœlestium motibus & indoli unicè intenta : Altera verò eorum , qui fixis in solo magis propinquo oculis , tantam rerum admirandarum copiam terrâ reconditam , marique advectam sedulâ investigatione reperiunt , ut non minore jucunditate & fructu iis considerandis se se impendant , quàm in observandis stellarum fixarum ac errantium cursibus , conjunctionibus , oppositionibúsque Astrologi occupentur . Præclari utrorūmque conatus , præter ingentem , quam orbi litterato æquè ac Politico utilitatem afferunt , hanc quoque præ cæteris laudem merentur , quod velut facundi Operum Divinorum Interpretes , summam Opificis rerum potentiam & sapientiam in tām stupendis effectibus sole clariùs elucentem , omnibus adorandam & deprædicandam ( qui Scientiæ Naturalis præcipuus finis est ) exponant .

Quodsi tamen instituenda inter partem utramque effet comparatio , nescio sanè , an Astrologis major à sublimi occupatione suâ accedat commendatio , quàm in eos redundet , qui terræ mariūmque sinus rimati , manifestius Divinæ laudis argumentum solerti industriâ indè depromunt .

A

Præter-

Præterquam enim, quod immensa cœlorum à terris distan-  
tia, nebulosa aëris intermedii phœnomena, siderum sub  
aspectus nunquam venientium absentia, humani visū im-  
becillitas, labores & successus in studio arduo, inter insom-  
nes noctes, sub Jove frigido penè insuperabiles reddant,  
sæpiùsque sperato eventu destitutos, accedit, quod curio-  
sus sciendi & futura dignoscendi ardor ad illicitas nonnun-  
quam divinationes, ad scrutandæ Divinæ Providentiæ ar-  
cana consilia, ad libertatem humanam fatalibus influxi-  
bus subjiciendam, ad secuturos eventus fortuito judicio &  
inani non rarò vaticinio conjiciendos periculosè inducat,  
habet hoc suâpte naturâ cœlestium corporum pulchritu-  
do, ut supremam Conditoris sui Majestatem nativis splen-  
doribus citra commendationum elogia prodat, & tot lin-  
guis, quot radiis eloquatur.

Illi verò, qui Naturæ, ut ita dicam, inferioris & terreæ  
arcana detegunt, palpant manibus, propriùs admotis ocu-  
lis penitiùs inspiciunt, & sæpiùs examine tantùm non Anatomo-  
& Chymico, sed & cæteris Philosophiæ experimen-  
talis adminiculis scrutantur, illi, inquam, Maximum in  
parvis Deum, in humilibus Altissimum, in vilibus Pretio-  
sum eò majore hominum admiratione citra splendidæ cu-  
riositatis discrimen proponunt, quò magis Mysteria hæc  
rudibus aut parùm curiosis abscondita nesciebantur.

Horum numero jure merito accensendos existimo Li-  
thologos, quo nomine minimè tamen intellectos velim  
gemmarios tantùm, qui guttam coloratam & in illustrem  
lapidem concretam summo studio & pari pretio conqui-  
runt, ad majus forsan opum & Gazophylacii, quàm eru-  
ditionis incrementum : Lithologos intelligo, qui Natura-  
lis historiæ sacratori ardore succensi, nullâ materiæ nobi-  
lioris præ ignobili habitâ ratione, stupendam lapidum fi-  
guratorum supellectilem diversissimorum corporum figu-  
ris supra Phidiæ aut Apellis artem insignitam, vel ex inti-  
mo terræ sinu effodiunt, aut in extima soli facie repertos,  
at neglectos, attonito ad rei novitatem & elegantiam orbi-

DSI osten-

ostentant. Inveniunt in altissimorum montium jugis, in cavernis rupium, in stratis lapideis, in profundis fodinarum recessibus, in agrorum sulcis, aut viarum præruptarum hiatibus, in medio Germaniæ, tantis ab Oceano intervallis dissitæ, testaceorum innumerabiles species, coralliorum ramunculos, piscium & monstrorum marinorum, aut belluarum, quas sola Asia vel Africa parit, induratas in faxa reliquias. Producunt descriptas in solidissimis petrarum fissilium corticibus, pratorum, nemorum, Arcium, urbium, florum, plantarum, ac brutorum animantium imagines, suis quandoque coloribus discretas. Nec imagines solum, sed ipsa piscium, altilium, quadrupedum, ac hominum etiam & densissimarum arborum ac fruticum corpora, ceu objecto Medusæ aut Gorgonis capite in lapidem congelata demonstrant. Nova hæc & prioribus sæculis incognita naturæ, citra figmentum, Metamorphosis est, in quâ non Daphnides lauri, non Narcissi aut Hyacinthi florum, non alii aliorum corporum formas ingenuo Poëtarum commento induunt, sed quidquid in triplici suo Natura regno speciosum protulit, specifico salis, terræ, succique petrifici glutine in lapidem transivit, inversâ tandem Pyrrhæ & Deucalionis fabulâ, ubi non rejectus post tergum lapis in hominem, sed hominis aut animantis cadaver vel sceleton in rupem solidatur.

Vix ulla Germaniæ Provincia est, ut exteris regiones silentio præteream, quam Lithophilorum indefessa industria non detectis ejusmodi naturæ petrificæ prodigiis nobilitavit. Austria, Silesia, Carinthia, Suevia, Helvetia, Bavaria, Thuringia, Wirtembergia, Hassia, Misnia, Saxonia, Noricum, Westphalia, & complures in recensitis Provinciis agri, Specus, Montes, fodinæ feraces sunt figuratorum lapidum, campumque hodie dum uberrimum apriunt, Eruditorum ingenii in explicandâ tot memorabilem genesi exercendis & fatigandis. In solâ Franconiâ aut agro saltem Herbipolensi, præter nativam soli præstantissimi fertilitatem, hæc ad præsentem diem felicitas desi-

derari videbatur, cum tamen in reliquis omnibus liberalis in illam natura aut potius naturæ Conditor Deus plenissimâ Manu effuderit opes suas. Hic vina è collibus fluunt generosissima tantâ abundantia, ut, si deficientibus undis Mœnus aresceret, siccum alveum affuso dulci & copioso nectare Bacchus occuparet: Hic lœtæ segetes inaurant agros, & in pagis Oxoviensi & Schweinfurteni non Patriæ solùm, sed & exteris regionibus sufficieturum instruunt granarium: Pingua pascua frequentes nutriunt gregum armentorumque exercitus; rivi & flumina placido per valles cursu labentia, ut undis, sic piscibus abundant; Animantur feris nemora, hîc salinæ scaturiunt, ebulliunt salutiferi & medicati fontes, alibi in pratis silvísque Botanicæ uberrima, rariorque messis succrescit, quæ aliisque humanis usibus commodisque necessaria, licet cœli benignitas, fœcunditas glebæ, aërisque moderati temperies indigenis pro vitâ ad luxum usque & opulentiam sustentandâ largissimè suppeditet, Litteratis tamen, & Secretiorum, sacratiorumque Physices disciplinarum Cultoribus erudita deficiebant pabula, quæ oculis, animisque libarent ipsis, & jucundo Doctorum commercio exteris libanda propinarent. Naturam proinde in cæteris Franconiæ beneficam laudantes, in fossilium portentis parcae tenacitatis accusabant.

Colligitur equidem & in vitiferis, & in asperis inculpisq; montibus, in lapidicinis, Cornuum Ammonis, cochlearum, concharumque maritimorum & fluvialium petrificatarum tanta frequentia, ut integri etiam parietes septium loco vinetis circumstrui soliti, non aliis è Saxis coagimententur, nisi quæ densi conchilium lapidescentium cortices incrustârunt; Quæ tamen ceu pluribus terris communia, & vix non ubivis locorum obvia variorumque scriptorum sumptu ac studio, ære & typis vulgata, novo examine aut sedulâ conquisitione minùs digna censui: Rariora verò & selectiora, cum in Franconiâ non invenirem, vel prece vel pretio, vel Amicorum & Fautorum bene-

## P R O O E M I U M.

§

benevolentia ex omnibus fermè Europæ plagis compara-  
ta, intuli lithophylacio meo, peregrinis interim dives mer-  
cibus, donec domesticas (quod serius ocyus futurum esse  
præfigâ mente ominabar) ipsa mihi Patria subministra-  
ret. Nec spem fefellit eventus: singulari enim Divinæ  
Providentiæ nutu, quam flexo poplite gratus adoro, mons,  
frequenter mihi tritus & aditus, sed tam exacto scrutinio  
non observatus, thesaurum primò in superficie sparsim ac  
temerè projectum, mox adhibitâ fossorum operâ intimius  
etiam reconditum aperuit, quo uno, ceu pleno copiæ cor-  
nu ea omnia continentur, quæ inter aliarum Provincia-  
rum fodinas, cavernas, & receptacula Natura partita est.  
Hic ex omni Naturæ regno animali præcipue & vegetabi-  
li, aviculæ passis & contractis alis, papiliones, perlæ, li-  
bellæ, scarabæi volantes & repentes, apes & vespæ vel in-  
sidentes floribus, vel suis domunculis ac nidulis inhæren-  
tes, crabrones, muscæ, culices, testudines marinæ & flu-  
viatiles, pisces marini & fluviatiles, lumbrici, serpentes,  
hirudines maritimæ & paludosæ, pediculi œstrique, ma-  
rini cancri, sive Astaci aquatici, paguri, ranæ, bufones,  
lacertæ, erucæ, scorpiones, araneæ, grylli, formicæ, locu-  
stæ, forbicines, limaces, cochleæ domiportæ, cum sex-  
centis aliis exoticis rarissimisque insectorum planè pere-  
grinorum figuris; hic nautili, cornua Ammonis, stellæ  
marinæ diversissimarum sed lectissimarum specierum, co-  
chleæ, turbines, strombi, buccinitæ, pectines, pectuncu-  
litæ, aliæque nobis hucusque incognitæ testacearum figu-  
ræ: Hic folia, flores, plantæ, herbæque integræ cum - &  
sinè radicibus, cum - & sinè floribus: Hic Solis & Lunæ,  
stellarum & cometarum caudato syrmate radiantium il-  
lustres imagines: Hic denique (quod ceu supremum  
prodigium stupentes venerabantur mecum spectatores ad  
unum omnes) tabellæ nitidissimæ characteribus Latinis,  
Arabicis, Hebraicis, ac una alterâve reliquis nobilior, inef-  
fabili Dei Nomine Jehova insignitæ, locupletissimum to-  
tius Germaniæ Lithophylacium tot sæculis absconditum,

B

meâ

meâ demum curâ , ac investigatione continuâ Propitio  
Numine repertum, & sumptu ac labore non modico re-  
feratum esse demonstrârunt.

Nescio, an Viro Scientiæ naturalis studioſo ſpectacu-  
lum jucundiùs incurrere in oculos unquam potuerit, cum  
præprimis figuræ omnes non ductis ſolùm extremis lineis,  
aut umbrâ pictoriâ designatæ, ſed formâ summè ſpecta-  
bili, ceu opere platiſco aut ſculptorio elevatae, ita emine-  
ant, ut justam fuſpicandi anſam habere ſe existimaverint,  
Eruditi plerique ac ſummæ Dignitatis ac litteraturæ Viri,  
latere ſub inopinatis & insolitis Mysteriis impostaſuram ali-  
quam, ficitios eſſe lapides, occulto fraudis avaræ artificio  
contextos, &, quod in re nummariâ fieri non raro affolet,  
falsariorum dolis ſuppoſitos. Meticulosam hanc ſoliciudi-  
nem, ut ex eorum mentibus depellerem, comites duxi  
amœni itineris, adhibui laboris non jucundi minùs, quam  
curiosi, nec in molli gleba diſſicilis ſocios, ubi ſuis ipſimet  
manibus portentofa hæc rerum naturalium ſymbola effo-  
derunt. Quis inde plauſus ! quam communis affenſus  
omnium & approbatio, Lector ipſe judicabis : liquidiffi-  
mum verò gaudium, quo ſub prima theſauri hujus inven-  
ti exordia perfuſus ſum, novâ ſolatii non mediocris acceſ-  
ſione ex testium omni fide digniſſimorum præſentiâ, eſt  
cumulatum. Sic demum diuturnam multorum ſæcu-  
lorum moram, quam terrea hæc cimelia, luteis, limosis,  
margaceis, arenosisque montis inculti ſordibus tecta & ſe-  
pulta delituerunt, manifestavit ferior Dies novitate, penè  
dixerim insolenti, & raritate Depositi, expenſas pariter  
meas, curásque pervaſiles irrito per annos non paucos  
ſucceffu ſuſceptas, magno foenore compenſavit.

Quapropter Reipublicæ Litterariæ gratiſſimum me  
præſtiturum obſequium existimavi, ſi ea quæ Divina Bo-  
nitas, ceu diuturnæ inquisitionis ſtudiique laboriosi non  
vile præmium in manus dedit, ex adytis Muſæi domeſtici  
producta, orbi ſpectanda proponerem, atque de objeſto  
novo, Scientiæ Naturalis Cultoribus antehac ignoto, non  
tam

tam sententiam meam dicerem, quam sapientiorum sensus & judicia post sedulam lapidearum imaginum contemplationem & indaginem deprompta expectarem.

Quidquid enim de figurorum lapidum origine ex Diluvii Noëtici reliquiis, ex succi petrifici & salium terrestrium mirificâ vi, ex Archæi subterranei, aut Panspermiaë, sive auræ seminalis virtute seminali & plasticâ, ex fortuitis naturæ ludentis erroribus differitur, illis neutiquam convenire videtur, quæ mons noster prodigiosus protulit; Fortè in ætatem hanc ultimam sero partu dilata, quâ Lithologiæ arcana innumeris commentariis & lucubrationibus penitus detecta ac ita exposita credebantur, ut novi nihil citra delicati palati offendam obtrudi posset. Ecce autem novam discendi docendique materiem, & in difficultatibus nondum penitus sublatis, vel exhaustis novum disceptandi argumentum. Scivimus simiam Naturæ Artem: in præsentibus sintne lapides nostri Artis, & aliis sic dictæ Naturæ imitatrixis opus, investigabimus: Quidquid enim in plantis aut sensibilibus aut testaceis finxit, & alias animavit, ista modo phrygio fermè vel sculptorio opere, veluti pulchras, sed exanimes viventium prototyporum Ideas & Ectypa in luto ac lapide efformâsse videatur: Quin etiam limites egressa suos, scriptoriam professa, variarum sacræ potissimum linguæ characteres ad exactissimas Orthographiæ Hebraicæ regulas ita exsculpsit, ut litteræ in sensum collectæ, ex peritorum Interpretum judicio, Sanctissimum Dei O: M: Nomen, Potentiam, Vires, Sapientiam, disertis Titulis extollant, & vel sic unicum forsan tam prodigiosorum lapidum Authorem & Artificem manifestent.

Inspicite Tabulas, quas ut ederem, præter indefessum Publico serviendi studium, præter vota & desideria, & vestra & Amicorum plurium, nativus Patriæ F R A N C O - N I C Æ Amor fortibus stimulis incitavit, cui ex figuratis montis antea obscuri partibus non minor gloria, quam ex vitiferorum collum dulci massico promanabit, novaq;

Agro Herbipolensi fama etiam ex hoc, quantumvis sicco Lapide succrescit.

Accessit REVERENDISSIMI & CELSISSIMI PRINCIPIS Nostri, quæ pro summo mihi Imperio est, Clementissima Approbatio. Quid enim morarer diutius offerre ea conspectui publico, quæ PRINCEPS Sacrarum ac profanarum Scientiarum Apparatu Instructissimus, digna luce, supremus Arbiter Suo Calculo judicavit, & Clementissimæ Voluntatis suæ significatione, ut ederem, approbavit.

Abscondit tot præterlapsis sæculis FRANCONIA Nostra, quasi moræ impatiens, & Tanti PRÆSULIS ac DUCIS expectatione suspensa, stupenda in lapidibus suis miracula, & nuper eo ipso tempore, quo REVERENDISSIMA CELSITUDO Sua debitum à subditis devotissimis Herbipoli homagium inter continuatam totius Patriæ gratulantis lætitiam exciperet, singulari Cœli favore, quasi porrectâ mihi ad Lithophylacium Francicum clavi detexit, hoc ipso pretioso ab arcanâ origine Xenio Litteratissimo PRINCIPI ac litteratorum Fautori Maximo & Munificentissimo, juratæ cum reliquis indigenis fidei obsequium præstitura. His characteribus primum auspicati Regiminis Annum, felicius, quàm Consulares olim Tabulas aut Dypticha notis aureis candidisque Romana sive in Occidente, sive in Oriente Antiquitas insignivit, in his posuit, sparsitque per Orbem ære perennius, Principalis Gloriæ Monumentum; Sed & incitamentum efficax Medicinæ Cultoribus, Naturæ Mysteria pari Constantiâ ac Sedulitate, cum pari successu optati spe alacriter prosequendi.

Est hæc Inclitæ Facultatis Medicæ, quod citra invidiā dixero, eximia Laus & Prærogativa, quod ex ipsa instituti ac studiorum suorum ratione in patenti totius universi Pantheo, Naturæ Mystæ, Ministri & Interpretes sint, ac nominentur: Nec ex aliarum Disciplinarum Seçtatoribus facile reperies, qui Naturam coluerint sanctius, perti-

pertinacioreque solertiâ scrutati, pluribus scriptis illustrâ-  
rint, ac Medici, qui vel ideo honoratissimo Physicorum  
Titulo, antonomasticè, ut ita loquar, appellantur.

Quotquot igitur ad hujus Aram Deæ litâstis Medicinæ Candidati, fanum vobis & fodina nova reserata est, pressa, imo effossâ humo altè impressa sunt vestigia; multa prior ætas tulit: plura præsens detexit, nec pauciora vobis secutura inter infinitas regni Naturæ opes reservat. Obsecundate vocationi vestræ, & operam juxta Majorum exempla date, subministrabunt necessarios sumptus, aut Amor, aut fortunæ vestræ, aut Mecœnatum liberalitas, Deus verò, ad Nominis sui Gloriam ex mirandis Manuum suarum Operibus propagandam, optatam, quam mihi supremæ Majestati devotissimus gratulor, & vobis precor, in successu felicitatem.





## CAPUT PRIMUM.

Refellitur opinio eorum, qui Lithologiam, ceu studium inutile & vanum insectantur, tum ratione, tum exemplo Authorum celeberrimorum, tam Antiquorum, quam Recentiorum, qui hanc Scientiæ Naturalis partem tractârunt, & editis scriptis illustrârunt.

**J**usta Virorum gravium querela est, nostrâ ætate, litteris & moribus supra rudium sæculorum asperitatem excultâ, reperi homines, omnis politioris litteraturæ osores tam acerbos, ut eas solùm artes, scientiásque civitate donari, inter Academiarum porticus recipi, & tractari velint, quæ *pani lucrando* deserviunt, cæteras verò ceu *vanas* & *inutiles* perpetuo exilio mulctandas. Harum in numero primo fermè loco ponunt Rerum Naturalium Cognitionem, ejusque nobilissimam partem, quam *Lithologiam* dicimus, virgâ censoriâ præ reliquis perstrictam, inter otiosa ingeniorum ludibria rejiciunt, & ex orbe eruditio judicant eliminandam. *Cui usui*, inquiunt, lapillos quosdam & figuratos silices, montium, fluminumq; quisquilias, repertas casu fortuito inter luteos fabuli, aut saburæ marinæ, vel terrestris aggeres, animantium, testaceorum aut vegetabilium icunculas irretortâ mente & oculo contemplari, multo labore & pretio conquisitas examinare, vastis quandóque voluminibus describere, descriptas, ac æneis insuper tabulis incisâs in orbem spargere, & spissis argumenti inutilis codicibus, cum temporis, & præstantiorum studiorum dispendio, litteratorum ingenia, nucibus hujusmodi & vanis crepundiis pueriliter irretita, fatigare. Quid hoc est aliud, quam sepositis Imperii curis, captare muscas, aut ex collectis bellicosissimi

Exer-

Exercitūs manu conchiliis, in glorioſæ expeditionis præmium, adornare triumphum testaceum, aut fanum conſtruere, cuius Myſta Physicus, Idola faxeæ bestiolarum imagines, Incenſum & viictimæ, vires, ingenia, & ſumptus infantium Doctorum. Pifcari uniones, pretiosos coralliorum frutices ex imo Mari decerpere, gemmas, metalla, ac marmora eruere ex viſceribus montium, aut ab extremis mundi oris, per immensa oceani & peregrinæ telluris intervalla, per mille tempeſtates & diſcrimina nau-tico Adminiculo advehere, hoc opus, hic labor eſt, Viro-rum Principum expenſis, magnarum mentium curis & industria dignus, quo locupletantur æraria, crescunt pri-vatorum opes, utilitati publici consulit, & acti laboris non pœnitendi fructus colliguntur. Ita curvæ in terras animæ, quas ſola cupiditas ſacrâ & insatiabili auri lucelliq; fame excruciat, ſublimiorum ſcientiarum preſtium & præſtantiam ex ſolo proventu & commodo, contra omnes Philosophiæ ſanioris regulas & præcepta metiuntur.

Ea enim jam olim fuit Sapientium Ethnicorum lauda-ta opinio, reſtæ rationi conveniens, & Christianæ legis ſanctitate confirmata, illorum, qui vel Patresfamilias rem privatam, vel publicam, ut Magistratus & Princeps falu-briter adminiſtrant, primas curas conatûſque eò potiſſi-mùm collimare, ut omnia, quæ ad ſubjectorum vitam, fortunas, ſtatûmque conservandum, tuendum & ſuſten-tandum, prudenter judicaverint, convenientibus ad hunc ſcopum adjumentis ſedulò procurent: Quodſi verò libe-ralior impensæ ſollicitudini, Deo laboribus benedicente, proventus repondeat, ſi accreſcant opes, repleantur arcæ, & gazophylacia locupletentur, animum neutiquam afflu-entibus divitiis apponendum, ut poſſideri ab iſſis potiūs, quam eas poſſidere ceneamur. Mens quippe humana ad finem altiorem condita eſt, non ad ſaginam abdomi-nis, ad luxum, ad delicias corporum, aut, quâ nulla cu-rarum ſtultior excogitari potheſt, ad pallidi æris, aut fulvæ

## 12 LITHOGRAPHIÆ WIRCEBURGENSIS

glebæ custodiam , quām Draconibus & monstribus , non Viris fortibus Mythologi inter fabulas committebant . Avara cupiditas est , id solum sectari , quod non tam usum , quām usuram sapit : Servile , mercenarii , non animi liberalis & ingenui consilium , culinaria quæstuofæ œconomiae machinatio , Lycae Sapientum in Mercatorum tabernas , & mechanicorum officinas convertere , & pulpita Eruditorum mutare in mensas Numulariorum . Non hi *Boni Veri* sinceram indolem perspectam , habent , quod non sola utilitas , sed jucunda honestas , & honesta jucunditas amabile facit . Unde Bonarum Artium studiosi minimè vocantur , sordida lucri , & desideratæ utilitatis mancipia , sed nobiles animæ , quæ ad purissimam , quæ ex scientia nascitur , voluptatem percipiendam , ipsâ rerum scibilium & operæ laudabilis honestate inducti , Vires , & non raro sumptus suos impendunt .

Est honestas totius Ethicæ Christianæ Cos , & omnium virtutum moralium norma ac anima , sine quâ in via transeunt vel aperta , vel larvatæ virtutis involucro palliata . Quis autem actionis humanæ finis honestior excogitari potest , illo , quo ex mirandis naturæ effectibus veluti per totidem gradus ad agnoscendam Creatoris potentiam ascendimus , & elevamur ? Maxima sunt Authoris Naturæ miracula , solem oriri indies , & occidere , & cum reliquo siderum & cœlorum , quibus continentur , ambitu , ordinatissimo & nunquam perturbato cursu terræ circumvolvi ; Terram ex minimis diversissimisque fementibus , herbas , plantas , flores , fructus , silvásque vastissimas non deficiente fœcunditate producere , statas esse temporum & tempestatum alternantium vices , ire & redire , fontibus nunquam aresentibus flumina , innumera rum animantium species terrâ marique , ac inter regiones aëreas conservari & propagari , & id genus sexcenta alia , quæ cum obvia sint , & quotidiana , non apud ingratum solummodo vulgus , sed apud peritiores etiam , at Dei

 oblitos ,

oblitos, ex suâ frequentiâ ita viluerunt, ut inter miranda Conditoris opera ægrè admodùm numerentur. Damnable huic mortalium vecordiæ remedium allatura Dei Sapientia, ex absconditis potentiae suæ thesauris, & incognitis terræ Gazophylaciis, Virorum proborum & solertium studio, nova indies Naturæ Dædalæ prodigia vel portenta in lucem protrahit, quibus inescata humana curiositas, dum singula perlustrat, & insolitâ Novitate perculsâ, attonitis oculis animisque contemplatur, sensim supra se ipsam erigitur, & tandem ad Creatoris, Cujus effectricem Dexteram in similium genesi agnoscere cogitur, Thavmaturgam virtutem deprædicandam & adorandam honestissimo & sanctissimo assultu exsurgit. Horum è numero Lapidès figuratos esse, si non omnes, complures faltem, atquè eos præcipue, quos Franconia nostra, & Ager Heribolensis parit, tantò facilius palam fiet, quò difficilior rem explicatu eorundem originem, & humanis rationibus altiorem esse, in ipso decursu præsentis Dissertationis demonstrabimus.

Jucunditatem studii Lithologici si desideres, pictoriā & sculptoriā, nobilissimas Artes attende : Harum beneficio rerum emortuarum & præteritarum imagines restituuntur, & vix non immortalitate donantur, oblivioso tempori subducuntur, heroum, parentum, amicorum, & charorum vultus, ac suis è cineribus à putredine vindicantur, eriguntur Virtuti & Meritis trophæa & colossi, horti, palatia, portæ & viæ publicæ ad amoenissimam oblationem exornantur. Simili artificio operans Natura utitur, & licet inter recessus & cavernas montium nec colossæum tibi aut Pantheon aperiat, lectissimam tamen Iconolithorum congeriem nil tale sæpius opinanti offert, quam nec inter Musaica ævi prioris & artis penè extinctæ opera, nec inter hortensium cryptarum fictiles cameras, nec inter pyramidum Ægyptiarum hieroglyphicas sculpturas reperies. Hic forma mirabilis rudibus faxis pretium

D

facit,

## 14 LITHOGRAPHIÆ WIRCEBURGENSIS

facit, & tantum quidem, ut pari sollicitudine inferantur, non privatorum tantum, sed & Regum ac Principum Technico-thecis, quâ gemmæ & uniones coronis & annulis inferuntur. Horum considerationi solutos tristioribus curis, aut profundis speculationibus animos litterati admovent, digerunt in classes, in diversarum specierum series ordinant, redigunt in pulpitorum & sacratiorum scri-niorum strata, & totius Naturæ regnum saxeis imaginibus descriptum, jucundiore spectaculo ob oculos ponunt, quâm detectas terrarum antea incognitarum Provincias suis in tabulis Geographi depingant. His illecebris pascitur eruditio, quæ, si ad Misophorum palatum non faciant, non Scientiæ Naturalis, quam honestissimam jucundissimamque diximus, sed genii & indolis abjectæ, nec ad recondita Naturæ mysteria indaganda natæ, vel idoneæ vitio tribuant, oportet.

Longè alias Virorum per omnem Europam præstans-tissimorum sensus est, qui in aulis Magnatum, in Curiis & Magistratibus Rerum publicarum, in sublimioribus celeberrimarum Academiarum Subsellis, Sapientiâ, primis honoribus & opibus florentes, tanto in amore & pretio non Physiologiæ solùm generalis, sed Lithologiæ, de quâ hic agimus, studium habuerunt, ut suscepit longinquis itineribus, non minore labore, quâm sumptu, incredibili alacritate & constantiâ omnes, quas incolebant, aut aliunde sibi commendatas acceperant, Regionum latebras excusserint, ut petrosa Naturæ arcanæ miracula eruerent, eruta communicarent publico, & vastis commentariis illustrarent. Omissis Plinio aliisque Antiquioribus, quorum solertiam Recentiorum felicior industria multùm superavit, juvat hic brevem Lithographorum, quos inter cæteros Doctorum partus in Musæo domestico obvios habeo, Synopsin ordine alphabetico attexere, ut vel sola Tantorum Virorum Nomina, numularium illud & rude Academicorum vulgus ignaviæ condemnent, qui Lithologiæ studium tanquam inutile explodunt. Agri-

- Agricola *Georgius* de re metallicâ, de Naturâ eorum,  
quæ è terra profluunt, & de fossilibus.  
Aldrovandus *Ulysses*, de Simiâ in lapide.  
Affaltus *Petrus*, in notis ad Metallo-thecam Vatica-  
nam Mercati.  
Bajerus *Joannes Jacobus*, de Oryctographiâ Noricâ.  
Balbinus *Boheslaus*, in Miscellaneis Regni Bohemiæ.  
Bauhinus *Joannes*, de Fonte & Balneo admirabili  
Bollenfi.  
Bauschius *Carolus*, de unicornu fossili.  
Becanus *Goropius*, in originibus Antwerpiæ.  
Behr *Hennigius*, in Herciniâ curiosâ.  
Bel *Mathias*, in Hungariâ antiquâ & novâ.  
Boccone *Paulus*, Recherches & observations Naturelles.  
Büttnerus *Daniel Sigismundus*, in Tractatu, cui titulus,  
Rudera Diluvii testes, & in Dissertatione de Co-  
rallis fossilibus.  
Columna *Fabius* de Purpurâ.  
Coringius de antiquo statu Helmstadii.  
Crollius de Signaturis.  
Erhard *Balthasar*, in Dissertatione de Belemnitis Sue-  
vicis.  
Fabricius *Georgius*, de metallicis rebus ac nominibus  
in Georgium Agricolam.  
Gesnerus *Conradus*, de omni rerum fossilium genere,  
gemma, earumque figuris.  
Guericke *Otto*, de Quedlinburgensibus.  
Helwingus *Georgius Andreas*, in parte primâ & secundâ  
Lithographiæ Angerburgicæ.  
Heræus C: G: in Dissertatiunculâ oblatâ Illustriss: Gall:  
Scientiarum Academiæ.  
Hiemerus *Eberhardus Fridericus*, de capite Medusæ.  
Kentmanus *Ber: Jo:* de Calculis, qui in homine ac  
membris nascuntur.  
Kircherus *Athanasius* in Mundo subterraneo.  
Lachmundus *Fridericus*, in Oryctographiâ Hildeshei-  
mensi.

16 LITHOGRAPHIÆ WIRCEBURGENSIS

Lambecius, in appendice Bibliothecæ Vindobonensis.

Lancisius, in Notis ad Metallo - thecam Vaticanam.

Langius *Carolus Nicolaus*, in historiâ lapidum figuratorum Helvetiæ , & de origine lapidum figuratorum.

Leibnitius *Godefridus Guilielmus*, in Dissert: de figuris Animalium, quæ in lapidibus observantur, & Lithozoorum nomine venire possunt.

Leigh *Carolus*, in Historiâ naturali Langastriæ.

Luidius *Eduardus*, in Ichnographia Lithophylacii Britan:

Major *Joh: Daniel*, in Dissert: Epist: de Cancris & Serpentibus petrefactis.

Mascardus, in suo Musæo de fungorum petricosorum matricibus lapidescentibus.

Mercatus *Michaël*, in Metallo - thecâ Vaticanâ.

Monti *Joan: de Monumentis diluvianis Agri Bononiensis*.

Mylius *Godefridus*, in memorabilibus Saxonie subterraneæ.

Rueius *Francisc: de Gemmis*.

Sachs *Philip: Jacob: à Löwenheimb* Gammaralogia.

Scheuchzer *Jacob: Joannes*, Oryctographia Helvetica, Specimen Lithographiæ Helveticæ , Herbarium Diluvianum, Piscium querelæ & vindiciæ.

Scilla *Augustinus*, al vana speculatione dissingannata del senso.

Spenerus *Christ: Maximil: Disquisitio de Crocodilo in lapide scissili expresso, aliisque Lithozois in Miscellaneis Berolinensibus Anno M. DCCX.*

Sponius *Jacobus*, in Itinerario Hispanico de Regno Valentiae.

Steno in Prodromo de solido intra solidum.

Tenzelius in Colloquiis menstruis.

Valentini *Bernardus*, in Musæo Musæorum.

Volckmannus *Georg: Anton: in Silesiâ subterraneâ*.

Wel-

Welschius, Hecatost: in observatione XLIV. pag: 60.  
 & 62. de variis Astroitæ nec non Cometitæ, si-  
 vè lapidis Cometæ caudatum referentis, effigi-  
 em præsentantibus.

Winckelmannus, in Descriptione Hassiæ.

Wodwardus Joannes, in specimine Geographiæ phy-  
 sicæ.

Wolfardus Petrus, in Descriptione Hassiæ inferioris.

Wormii Musæum.

Zahn Joannes in Mundi mirabili Oeconomia.

Quodsi huic Catalogo eorum Scriptorum nomina  
 adjungerem, qui à laudatis modò Authoribus per decur-  
 sum lucubrationum suarum allegantur, neque à me ha-  
 ctenus comparari potuerunt, integrum Lithographorum  
 exercitum conscriberem, quorum vel unus, Davidis in-  
 star, sufficeret, unico limpidissimo lapide ex Naturæ pe-  
 nu deprompto, gigantæam objectionum & satyrarum  
 molem elisâ fronte prosternere, & studii nobilissimi præ-  
 stantium à calumniis vindicare.

Ita nimirum comparata est humana mens, ut,  
 quæ à Viris omni virtutum & litterarum genere  
 Clarissimis cum communi sapientum consensu & ap-  
 plausu geri ac tractari conspicit, eadem pari appro-  
 batione sibi imitanda & sectanda esse, prudenter ar-  
 bitretur, quidquid perpauci, iisque obscuri nominis og-  
 ganiant: & licet laboris ejusmodi pretium non primò  
 statim in oculos incurrat, non posse tamen non Disci-  
 plinis optimis, ac utilissimis eam accenseri, cui se omni-  
 bus ingenii viribus addixit Doctorum Flos, quam Sum-  
 mi Maximique suppeditatis sumptibus promovent, quam  
 amabilem sua honestas, gratam jucunditas, & ipsa utili-  
 tas facit fructuosam: Quæ quidem omnia Lithographiæ  
 nostræ convenire & exempla docent, & experientia de-  
 monstrat. Ex quo enim illius amor latius propagari  
 cœpit, amplificata illicò sunt litteraria Academiarum com-

## 18 LITHOGRAPHIÆ WIRCEBURGENSIS

mercia , institutæ frequentiores societatum Eruditarum Consultationes, comparata accuratior sub diverso cœlo diversissimarum regionum Descriptio, penitus inspecta & cognita terræ ex tam multiplici materiâ congestæ indoles, ostensa salium terrestrium, & mineralium fontium in petrificando Virtus, demonstrata corporum vel vegetabilium, vel testaceorum in faxa & petras transmutatio , aucta Musæorum & Technico - thecarum ornamenta , mirabilium Naturæ copia , novâ specie multiplicata , & quod his omnibus longissimè antecellit , Divinæ Sapientiæ Potentiæq, clarior agnitio , & quæ illam consequitur, major supremæ Majestatis Laus & Gloria est propagata. Sacræ insuper Scripturæ Veritas, & quam in illâ de generali diluvio Hagiographus Deo dictante refert, historia, contra Atheorum impietatem, aut Scepticorum ambiguam hæfitationem, aut Ludionum commenta invictis , ac ipsis, ex quibus desumuntur lapidibus magis solidis Argumentis stabilitur. Meritò igitur tot virorum sapientum exemplis & nos, licet postremi accedimus, eorum sententiae & concepto de Lithographiâ judicio subscribimus, ac novum inquisitionis specimen è Patriâ nostrâ productum sequentibus capitibus & Tabulis exhibemus.



CAPUT



## CAPUT SECUNDUM.

Situs Montis, Lapidumque ex eo effosorum  
Natura & Compositio describitur.

**D**ucatus Franconici regio, ea potissimum, quam Mœnus placido cursu alluit, in montes longo tractu dispositos, & modicis interjectis vallibus discretos assurgit, quibus vallata amnis ripa, intumescentes verno & autumnali tempore aquas intra sinum alvei ita coërcet, ne in agros & prata cum incolarum damno fese effundant, quin potius inter angusta montium septa, conclusæ, sinuosis flexibus & longo circuitu campestrem Franconiæ planitiem declinent. Montes hi nec prærupti sunt, aut nimia altitudine porrecti in nubes, neque tamen adeo depresso ac humiles, ut citra difficilem ascensum superari possint. Providit enim Naturæ benignitas, ut dorso mediocriter declivi, accessum & culturam vinicolarum, licet arduam & laboriosam admittant, altitudine verò suâ solaribus radiis propiores, eosdem perducendis ad maturitatem fructibus, uvísque excoquendis liberalius exciperent, & à Mœno reflexos, vallisque profundo gremio conclusos arctius diutiisque retinerent: Hinc, quâ Meridiem & Orientem respiciunt, vitibus ad apicem usque consiti, & ad stipitum palorumque æquabilem mensuram falce vinitoriâ attonsi, aut virides thoros, aut diadema formant Bacchicum, quo Mœni præterfluentis littora coronantur.

His unâ vel alterâ ab Urbe Wirceburgensi leuca collis interjacet, incultus omnino, nullis usibus idoneus & non tam continuis rupibus, quâm saxorum fragmentis, temerè

20 LITHOGRAPHIÆ WIRCEBURGENSIS.

merè dispersis, & hinc inde prominentibus asper & difficilis. Non proceris arboribus, sed arbustis tantum, non herbis aut pascuis nedum vitibus apta tellus, sed nudâ calvitie sterilis, & quia contiguis montibus depresso est & inferior, majore in illum impetu vis imbrium incubit, & collectæ in jugis propinquis aquæ, ac in varios torrentes, quâ datâ viâ diffusæ, in varios ipsum anfractus, hiatus, fossas & fissuras dilacerant, donec in proximam vallem præcipites, in tantam quandoq; altitudinem intumescunt, ut onerariæ ferendæ provehendæque sufficerent: Eâdem tempestatum violentiâ magna lapidum grandiusculorum copia in dictam vallem devolvitur, non sinè gravi viarum impedimento, & incommodo viatorum: Huic quoque continua loci sterilitas, & tam diversa particularum limosarum, margacearum, arenosarum, lutescentium, & terrestrium lapidibus variæ magnitudinis intermixta compaginatio, imò & montis ex continuo multiplicis fabuli affluxu conservatio, & incrementum adscribi posse videtur. Ad dexteram enim vitiferis, sed lutosis ac limosis montibus, iisque altioribus adhæret, lœvâ dehiscit in vallem; vertex in amplam sese planitiem explicat, arenosam & terrream, unde copiosa alluvione perpetuo reparatur, quidquid absorbuit vallis, & aquarum pluvialium illapsu abrasum vel avulsum fuit. Rudis hæc indigestaque moles in apice lutea, in umbilico non solida strata, sed singulos separatosque lapides, materiae limosæ, terreæ, margaceæ & arenosæ implicitos habet, quibus ad pedem montis eodem contextu locus redundat, adeo, ut eversi aut successu temporis fortuitò coacervati montis tumulum, non montem diceres, nisi continua hujus tractus altitudo mœnanæ valli circumjacens, hunc quoque sub numero & nomine montium contineret.

Pro diversa montis regione, lapides in eo delitescentes colorem, indolem, firmitatemque diversam induunt; Qui in vertice eruuntur, flavedine tinti sunt, & de natura

turâ lutosorum, licet debiliore consistentiâ, multùm participant, in superficie asperi, minúsque politi. In medio effossi, ex limoso-arenosâ materiâ concreti, & albi sunt, & ut colore margaceo, & quasi cretaceo, ita & fragilitate & mollitie gypsum imitantur: Qui demùm ex imâ montis basi protrahuntur, ad densitatem & firmitatem saxeam & siliceam accedunt, solis enim radiis liberioribus expositi, faciliùs indurantur: colorem, quem habent subcinericeum, ubi à terreis fordibus, ad digitum altitudinem plerûmque incumbentibus, probè mundati, eloti & exiccati sunt, in albescensem permutant.

In tres igitur, quatuórve classes, pro materiae, ex qua coalescunt, diversitate distribuendos esse censui, nimirum in arenosos, lutosos, limosos, imò & calcarios, qui omnes, licet vel magnitudinis, vel soliditatis, aliarúmque qualitatum defectu, nec substruendis ædificiis, nec calci coquendæ adhiberi possint, prærogativas tamen sibi proprias, singulares, & à fossilium petrificatorum, cæterorúmque lapidum figuratorum plexu & indole alienas habent, & observatu dignissimas, quas hîc per partes enumerandas duxi. Et

*Primò*, quidem lapides nostri, ubi aquæ immersi, & ab adhærente terreo coagulo terci ac mundati fuerint, ex superiore sui parte à potiori adeo glabri, plani, lævésque conspiciuntur, acsi adhibitâ cote vel pumice diligentior eos ars ad summum nitorem polivisset: quæ quidem lævitatis, non figuratis solum sed & informibus, & omni figurâ destitutis montis nostri lapidibus, licet non omnibus ac singulis, communis est. Ex altera verò & inferiore parte, vel à tergo, quo terræ adhærent, crudi, impolitis & prominentibus tuberculis asperi deprehenduntur, similes iis, quos linguâ patriâ Wasser-Stein dicimus.

F

*Secundò:*

22 LITHOGRAPHIÆ WIRCEBURGENSIS

*Secundò* : Lapidibus ex gypsea cretaceâve materia compositis , illud insuper singulare est , quod in eruendo maximam fossorum cautelam & solicitudinem requirant ; adeo enim nonnulli eorundem , præsertim verò limosi & ad cretaceam substantiam accedentes , molles sunt & flexiles , & Naturæ figulæ manibus quasi noviter formati , ut vel importunâ manu , aut ligonum dentibus duriusculelè impactis offensi , dehiscant ; Indurescunt quidem cœlo & aëri liberiori expositi , sed firmitate tam instabili , ut aquæ paulò diutiùs , & ultra debitam ablutioni moram immersi , non secus , ac calx viva effervescent , ebulliant , & dissolvantur . Neque flexilem hanc lapidum nostrorum mollitiem cariem cum quibusdam dixeris , fixas solidiorésque particulas sensim arroden tem , neque putredinosæ eorundem dispositioni adscriperis : Cum enim in loco suo nativo & proprio , ac à Natura sibi determinato asserventur ac foveantur , nescio sanè , quo ex fonte putredinem in illos derivare præsumas .

*Tertiò* : Figuræ in lapidibus expressæ , insectorum præcipuè , subjecto lapidi tam exactè commensuratæ & accommodatæ sunt , ut sculptoris , formam ad materiæ capacitatem & amplitudinem juxta regulam determinantis operâ effigiatos jurares : vix enim ullum reperies , in quo figuræ pars vel excedens , vel deficiens longitudinem latitudinemque suam substratæ tabulæ nesciverit attemperare .

*Quartò* : Inter plurimas animalculorum & insectorum species , quæ ad idem genus pertinere censentur , fossores , licet attenti , & de hoc opere sufficienter instructi raro detexerunt aliquas , quæ proportioni reliquísq; partibus figuram constituentibus ad amissim respondeant , quin potiùs ea , quæ præsto sunt in his , desiderantur in aliis , & quibus aliæ redundant , his illæ destituuntur .

*Quintò* :

*Quintò* : Rariores in nostris lapidibus figuræ sunt, quæ per impressionem, & quasi incumbentium corporum matricem formantes, cujus plurima exempla Cl: Scheuchzerus affert, effictæ cernantur; sed super tabellas lapideas elevatæ, teretes, & quasi excisæ prominent, ita tamen cum reliquo saxo continuæ, ut minimè aliena manu aut materia assutæ, agglutinatæ, aut super injectæ dici possint.

*Sextò* : Plurimæ insectorum, conchilium, cornuum Ammonis imagines, in singulis articulationibus, & concamerationibus suis completæ, licet non semper regulibus & æqualibus striis, tam in prona, quam in supina eorundem parte notantur, ac prætereà nulli saxeæ basi, aut tabulæ, quod de cæteris modò diximus, superstratæ, sed solitariæ inveniuntur, ita ut lapis integer, una integrissima figura sit, citra materiæ informis excessum, suis numeris absoluta.

*Septimò* : Figurata animantia & vegetabilia sive solitaria sint, sive lapidibus inhæreant, sive integra, sive fracta, & contusa, aut quovis alio scissionis aut resolutionis experimento inspecta, & examinata, nihil prorsùs de nativo plantæ, insecti, testaceique colore, materiâ, exuviis, armaturâ, aut omni eo, quod ipsis congenitum dici potest, vel continere intra se, vel lapidi subiecto communicâsse, deprehenduntur, quin potius lapidum, quibus incumbunt, suamque originem ac natales debent, consistentiam, materiam, & colorem exactè referunt.

*Octavò* : Animalcula & insecta singula in eo semper, quem Naturâ Magistrâ amant, situ recto, rariùs obliquo vel inverso collocata videntur, tam concinno omnium articulorum ordine, licet non in omnibus ad reliqui corporis dimensionem proportionatè extenso, & in singulis partibus completè formato, ut intuentes in summam rapiant admirationem.

24 LITHOGRAPHIÆ WIRCEBURGENSIS

*Nonò* : In plerisq; figuris nulla notari aut reprehendi potest partium à se discessio, nulla distorsio, incurvatio nulla, aut deturpatio, nulla declivitas, nulla fossularum aut rimarum deformis cavitas, violentiæ autem nec umbra quidem, sed nitidus decor & elegantia per omnia æqualis.

His aliisq; lapidum nostrorum eximiis proprietatibus describendis cum verba & calamus minus sufficient, pictoris & chalcographi peritam operam adjungimus, quorum accuratâ & fideli manu ultra duas centurias imaginum juxta prototypon expressas, ærique incisas Lectoris Benevoli oculis in viginti duabus tabellis considerandas exhibeo, pluribus aliis secuturo tempori reservatis, ubi primum Lithographiæ Wirceburgensis Specimen Eruditorum Censuram subiverit, eorumque sensa vel judicia aut typo aut calamo fuerint communicata. Nondum enim exhausta est fodina nostra ; locus amplius & spatiiosus, pluviam præterlapsæ æstatis tempestate opportunè detectus, quod imbrium, glebam incumbentem abluentium frequentia, velut motâ cortinâ aperuit, fœcundo sinu majore copia concludit : acceditur operariorum, de modo quærendi bene instructorum industria liberali stipendio, tolerabilem laborem fecit Annonæ caritas, facitque hodie dum lucri spes: urget & mea, & Virorum honoratissimorum ad opus quandoq; invitatorum præsentia, quos occurrentibus fortasse de suppositione aut artificiosâ imposturâ, suspicionibus & dubiis Testes adhibere placuit, suis suffragiis & non minibus appositis, veritatem rei, ubi opus erit, comprobatur. Nomen loci studioſo silentio tegere tantisper libet, dum Musæo domestico, sufficienti apparatu instructo, inventionis primitias mihi vindicavero. Patebit advenis Lithophylacium meum, Mons ipse monstrabitur, ubi coram intueri in Natura libebit, quod nunc in effigie ostendimus : Jucundus labor erit, ex amoenitate itineris inter vitiferas Mœni valles, & ex Montis tot portentosis foetibus gravi curiosâ lustratione.

CAPUT

•••••. •••••. •••••. •••••. •••••. •••••. •••••. •••••. •••••.

## CAPUT TERTIUM.

Diversas & celebriores Authorum Sententias  
de Lapidum figuratorum origine & genesi  
succinctè exponit.



Riginem & genesin petrificatorum & figura-  
torum fossilium ex ipsis operantis Naturæ  
principiis ita exponere, ut Viri cordati af-  
fensem indubitatum extorqueat, hoc opus,  
hic labor est, tentatus à multis, & in vario-  
rum Iconolithorum natalibus explicandis secundo eventu  
& plausu probatus, nondum tamen ita dilucidè perspicue-  
que confeditus, ut contradictionem, solidásque ex argu-  
mentis gravissimis oppositiones effugerit. Imò, si ausim  
dicere, quod res est, in opiniones tam diversas Naturæ mi-  
rificæ, vel cujucunsq; causæ efficientis virtus, lusus aut error  
plerósque deduxit, ut Sententiarum varietas, rem ex se  
obscuram & reconditam, dum lucem affundere moluntur,  
fecerit obscuriorem. Refero, brevi, ut ajunt, manu,  
famosiora Doctorum placita, summâ, quam celebratissi-  
mis Scriptoribus debeo, veneratione: Nec is ego sum,  
qui sapientissimis eorum assertionibus per omnia detra-  
ham, quam evidentes ad oculum demonstrationes &  
experimenta merentur. Id solum contendo, nullam opi-  
nionum omnium adeo generalem & universim veram es-  
se, ut ad singulas figuratorum fossilium classes, citra anci-  
pitem aliorum hæsitationem applicari, nedum lapidibus  
Wirceburgensibus, quos producimus, convenire possit.

Primum Genealogorum Lithographicorum locum  
obtinent antiquiores ex Peripato Philosophi, quibus plus  
æquo familiare est, non obvia palpantium manibus Na-  
turæ arcana, ut Magnetismum, Sympathiam, & Antipa-  
G . thiam

26 LITHOGRAPHIÆ WIRCEBURGENSIS.

thiam inanimatorum & animantium, æstum maris fluentis & refluens, ventorum ex variis mundi plagis alternantium virtutes contrarias, & innumera hujuscemodi, *qualitatibus occultis* attribuere, de quibus, si ultra aliquid rogas, petis principium, quia hæc eorum natura, & ut ajunt, essentia est, esse occultas. Ab his igitur causis tam incognitis, dum lapidum figuratorum natales petunt, frustra quercui silicem affricas, quia vapores & tenebras affundunt, ubi lucem & scintillas expectabas.

His proximè affines ii sunt, qui ad influxus siderum, & tacita cœlestium cum terrestribus commercia recurunt. Quasi verò ideo Hydrus, Scorpio, Cancer, Tauri cornua, Spica, caput Medusæ sunt in lapide, aut lapis sunt, quia hæc constellationibus nomina affinxit Poëta Astrologus, aut quæ ignorabat Physicus, è longinquo, viâ ruidibus non emetiendâ, ab astris petebat. Rectè Phaëton-tæum hoc ad cœlos stelliferos effugium præcipitat Doctissimus Langius, dum *cap. i. De Origine lapidum* ait : *Cum influxus astrorum sit universalis, & plerūmque omnia corpora sublunaria simul afficiat, sequeretur, quod omnia corpora regnante tali Aspectu nascentia, mediante ipsius influxu eâdem figurâ donari deberent, & magis adhuc ipsa vegetabilia, & animalia, quam terrea & mineralia, utpote quorum materia multò fluidior est, & influxui astrorum magis exposita, quam fossilem sub terrâ sepultorum.* Faceant illustres næniæ, quæ toto cœlo aberrant, dum id, quod in terris novum & mirandum est, inter sidera, quidni & in concavo Lunæ, viâ sibi & aliis inaccessâ inquirunt.

Saniore consilio terrestrium rerum incunabula in terris quæsivit, & invenisse arbitratus est Plotius in *suâ historiâ naturli Oxoniensi*, causam lapidum figuratorum effectricem statuens vim quandam plasticam salium in visceribus terræ delitescentium. Ad quam opinionem, licet modo explicandi nonnihil diverso proximè accedit Cl:

Hel-

Hélwingius in *Lithographiâ suâ Angerburgicâ*, in quâ nimirum salibus virtutem graphicam, plasticamque attribuere videtur. Sed offensus meritò Aristotelicus, quæret: Quæ illa salium terrestrium vis plastica, certior vel apertior, quam occulta qualitas Peripateticorum? Fortiorem se adversarium opponit Doctissimus Rajus in epistolâ Luidii, *Lithographiæ Britannicæ* fol: 130. *De fossili marino-rum, & foliorum mineralium origine*, ubi sanæ mentis homini incredibile existimat, quævis Salia quasi uno consilio & Spiritu ducta ita semper conspirare, ut quedam mucronem Glosopetræ, alia radicem, & fragmenta mandibulae, quedam filum quæstri convexum & exopolitum latus repræsentent; Addam ego contra Helvvingium in nitidissimos characteres è lapidibus assurgant?

Cl: Luidius loc: citat: pag: 139. cum Salia Plotii minus sapient, ad alium, eumq; amplissimum fontem mare ipsum recurrit, prima figuratorum fossilium principia inde haustus. Dico, inquit, me suspicari, qui ex mari feruntur vapores, & formâ pluviae aut nebularum superiora terræ strata ad requisitam altitudinem pervadunt, testaceorum & multorum piscium seminio sèpius imprægnari, atque exinde pro datâ seminii portione, & pro matricis congruentia formari alias pîces integros, alias eorum tantum lineamenta, alias dentes, mandibulas, vertebrae, aut alia ossicula, atque inter crustacea, nunc integra animalia, quandoque eorum articulos, inter testacea non-nunquam univalvia, & sèpius bivalvia &c. Ita toto divisus orbe Cl: Britannus cum lapidescentium animalium causas in Patriâ insulâ non deprehendit, ad circumfusum, cui innatæ, mare respiciens, inde cum vaporibus & pluviis in terram deferri existimat. Explodit hanc opinionem non eruditè minus, quam falsè & acerbè Cl: Scheuchzerus Herbar: Diluv: pag: 29. ad quem Ben: Lectorem remitto.

A Luidio, paucis mutatis & additis, sententiam suam hausisse videtur Cl: Carolus Nicolaus Langius tractatu de

28 LITHOGRAPHIÆ WIRCEBURGENSIS

*lapidum figuratorum Origin: lib. 2. cap. 8.* ubi docet lapides figuratos corpora marina referentes, è seminibus per terram diffusis generari, atque ita differit: *Semen sensibile & formatum viventium marinorum, cum parvum sit & leve, vel etiam insensibile & non formatum, in partibus corporum mortuorum adhuc relictum, aut in ipsâ mucidine partium jam putrefactarum superstes, hinc inde mediante aëre, vaporibus & aquâ, levi negotio elevatur, & per apertos terræ poros diffunduntur, in subterraneis verò, partim mediante ipso calore subterraneo, aliisque latentibus succis fluoribusque, excitatis è mari aliisque locis, in quibus delitescit, attollitur, & per hiantes subterraneos meatus, saxonum fissuras stratorumque pervia foramina distribuitur, ita ut sapius tali modo ad extimam terræ superficiem penetret, usquedum in aliquam congruam matricem intra terram, vel etiam in ejus superficie existentem incidat, cui ob innatum Magnetismum intimè unitur, firmiterque inhæret, donec accidente calore subterraneo, latens vis pluvistica excitetur, materiamque fluidam proportionatam, mediante Spiritu lapidifico, cum aurâ seminali quasi identificato, taliter efformet, atque in tale corpus lapideum figat, quale in mari è materiæ testacea produxisset &c.*

Systema hoc tantis verborum ambagibus propositum, & ea omnia, quæ ad generationem & formationem corporum conducere possunt, unum in cumulum coacervans, præter Scheuchzerum, Büttnerum, & complures alios strenuè impugnat & dissolvit Vir Clarissimus mihiique maximè colendus Petrus Assalti, in Archi-Lycae Romano Botanices Professor celeberrimus, Amicus & Fautor meus integerrimus, in eruditissimis notis ad Michaëlis Mercati Metallo-thecam Vaticanam Armario 9. pag: 220.

D D: Woodwardus, Scheuchzerus, Wolfardus, Büttnerus, Mylius, Volckmannus, aliisque magno numero Viri Litteratissimi & Sagacissimi, pleraque, si non omnia petrificata, Diluvii universalis reliquias, & communis Naufragii

fragii certa rudera esse, irrefragabilibus documentis ostendere, non incassum laborant. Cum enim apertis cataractis, laxatâ abyssō, diductis fontibus, mare & flumina ex continuo densissimorum imbrium accursu transiliissent littora, & orbem universum terribili inundatione submersissent, accedente vehementi ventorum impetu, facta est ingens rerum confusio & commixtio, ita ut innumera, quæ tellus antehac & continens servabat, provolverentur in maria, & quæ suo sinu complexus esset Oceanus, per terreas regiones dispergerentur. Hinc contigit, ut animalia, testacea, crustacea, vegetabilia, recendentibus non sine fluctuum tumultu aquis, ingesta humo, aut montium saxorumque stratis consepulta, successu temporis debito sale succoque lapidifico condita & tincta in faxeam denique substantiam concreverint, quæ tum præteritis temporibus effossa, tum nostrâ potissimum ætate rerum naturalium studio florentissimâ eruuntur.

Sententiam hanc, veritati naturalis historiæ, Religioni Christianæ, & Sacrarum Scripturarum Oraculis maximè consentaneam, licet in petrificatis exoticis ambabus ulnis, amplectamur, ad dilucidandam tamen lapidum nostrorum, qui singuli petrificatis accensi non possunt, originem usui esse vix potest.

D. Fridericus Lachmundus *in Oryctographiâ Hildesheimensi*, & Joannes Bauhinus *de Fontibus & Balneo admirabili Bollenfi lib: 4.* cum sequacibus suis, quos Ludiones, Archæistásque, mutuato ab opinione suâ nomine, passim appellant, quidquid in Iconolithis mirabile & speciosum conspexerint, id pulchris Naturæ erroribus, vel Archæo per mundum inferiorem ab ipso sui exordio diffuso adscribunt; In hos non sine stomacho invehitur Cl: Büttnerus *Coralliographiæ subterraneæ fol. 3. 4. 5. præsertim paragrapho 7.* ubi in verba sequentia erumpit: *Quasi verò Majesticus & Gravissimus Essentiator actuosissimâ causarum ordinatione sive*

H

dire-

## 30 LITHOGRAPHIÆ WIRCEBURGENSIS

*directione ordinis Naturalis nunquam non effectivâ ludat ! sanè hic ordo sive Archæum, ac Spiritum mundi, sive Naturam naturatam, imò naturantem sobrie dixeris, ab operosissimâ sapientissimi & severissimi Numinis Mente ac Voluntate unicè dependet, nihil ex se intendit, neque à 1000 intendere, destinare & efficere potest. Ideo quotquot lusum insimulatur Natura, tot imputari Directori Gravissimo sciant & vereantur Assertores, præsertim qui Christiano Nomine superbunt. Ita expostulat Vir Eruditus. Nihilominus cum Cl: Bajero Oryctographiæ Noricæ cap: 5. fol. 31. statuendum judico, Naturæ Lusum in sensu latiore sumptum è Genearcharum numero, quibus figuræ lapidum tribuuntur, non esse excludendum, quin tamen Agens aliud extraordinarium à Deo Naturæ Authore distinctum intelligatur, vel statuatur. Inveniuntur lapides, qui, sive sui generis figuram exhibeant, sive aliorum corporum formas imitantur, minus tamen perfectè id præstant, sed aut mole, aut extensione, aut notis characteristicis aliis deficiunt, ita, ut è rebus, quibus utcunque assimilantur, ortum traxisse, nullatenus ostendi possit. Horum texturam picturámve, cui alteri principio, quam Naturæ artificiosè ludenti adscribas ?*

Celebrioribus hisce, ac jam vulgatis inter Eruditos Lithographorum Sententiis, novam planè, eamque singularem & lapidibus Wirceburgensibus unicè accomodata tam subjicio, quam Vir in variâ re litterariâ, eâ maximè, quæ ad historiam pertinet, longè versatissimus, & in eruditis è Monte Franconico lapidibus nostris oculatus Testis ex monumentis historicis protulit. Ut enim pensatis maturâ deliberatione omnibus, probè intellexit, fossilia nostra ad nullam petrificatorum communium classem, nec aliquam earum, quas pro opiniooum diversitate retulimus, causarum efficientium reduci posse, non, inquietabat, Naturæ, sed Artis hoc opus est, & quidem impiæ ac superstitionis. Solebant enim Germani adhuc Ethnici plantarum, Arborum, Animalium, licet fœdissimorum images


gines rudi quantumvis manū sibi sculpere, easdēmque ceu sacrum quoddam Palladium secum servare, & damnabili cultu venerari: erant præterea superstitiones huic impietati tantā pertinaciā addicti, ut simulacra ejusmodi, licet jam sacro Fonte Christo initiati ægerrimè dimitterent. Unde in Synodo Germanicâ Anno 742. sub Carolomanno Duce celebratâ canone 5. statutum est, ut Episcopi, auxilio & Authoritate Gravionis sive Comitis, qui Defensor Ecclesiæ ejus est, suffulti curam gererent, ne *Populus Dei Paganas faciat, sed omnes spurcias abjiciat,* & respuat &c. Idem Decretum est in Synodo Liptinensi Anno 743. sub eodem Carolomanno habitâ, canone 4. his verbis: *Decrevimus quoque, quod & Pater meus ante præcipiebat, ut qui paganas observationes aliquâ in re fecerit, mulctetur, & damnetur quindecim solidis.* Episcopi igitur pro Pastorali sollicitudine suadebant subjectis fidelibus, aut Comitum Defensorum Authoritate & mulctis intentatis urgebant ethnicæ superstitionis reliquias, simulacra, & sortes in loca deserta, & à consuetudine hominum remota abjicere & æternâ oblivione sepelire. Talis mons est iste, lapidum ad ritus paganos adhibitorum tumulus, & infame receptaculum, ex quo aperta hæc abolitæ superstitionis vestigia hodie effodiuntur. Hoc Viri præcellentis judicium est, cui aliud in lapides Wircburgenses commentum ab Amico, in familiari colloquio, animi potius, quam seriæ disceptationis causâ propositum superaddo, qui sic arguebat:

Lux, ut suppono, est effluvium corpusculorum solarium, quæ cum naturæ igneæ sint, aërem ceu corpus liquidum & diaphanum pervadunt, fovent & illuminant: substantia proinde corporea est, fortè non distincta à primigeniâ luce, quam ante solem & sidera creavit Deus, imò ex quâ solem & sidera postmodum competit. Hæc rerum omnium, in quas externè incidit, formas ac figuræ induit, unde nascuntur species visibles,

quas in Camerâ Obscurâ, in Lucernâ magicâ, in limpidæ & tranquillæ aquæ crystallo, quas in speculis ac oculorum pupillis recipimus. Conceditur luci facultas verè admirabilis pingendi, repræsentandi, & effigiandi imagines corporum, quas superflua induit, quidni & virtus activa quædam & plastica easdem, quibus modificata est, formas materiæ aptæ imprimendi? Nota est vis radiorum solarium, in terram subjectam agentium: notum est Atmosphæram innumerarum atomorum elementarium, quarum plurimis vis quædam effectrix inest, colluvie imprægnatam, quæ junctis cum luce viribus operantes tam varias insectorum, plantarum, quin & stellarum (nam sua noctibus, sereno aëre, lunâ plenâ vel crescente lux est) figuræ, limosis, luteis, arenosis ac mollibus saxis impresissent. Species profectò visibiles repentini objecti in oculos mulieris gravidæ illapsæ, momento, Matre licet reluctante, & attonitâ fœtui imprimunt florum, fructuūmque formas, quandoque membra & artus belluarum. Si dicas fortè, monstrosas has in fœtibus tenellis notas non solum specierum ocularium, sed plantasiæ simul & sensūs interni operâ efformari: Contra est: hæc ipsa sensūs interni operatio à specie impressa ortum dicit: Cur reluctantia & contrarius nifus matris actionem sensūs interni non impedit? Cur non detur Analogia quædam inter uterum matris & uterum terræ, quæ communis omnium Parens est, & licet inanimis, concipiendis tamen ac gignendis fœtibus idonea? Cur substantia aëreæ lucis sic modificata, & fœcundæ telluris activitati, accedente salium, seminii, aut Panspermia regimine conjuncta, hanc determinare, imò adjuvare nequeat, ut insecti vel plantæ figura in lapide aut limo tractabili, postea in lapidem indurescente efformetur?

Hâc ratione explicari posset, cur in lapidibus quibusdam monstrosæ, & ex nostratis ac peregrinis compositæ

positæ , imagines quædam supra debitam à Naturâ magnitudinem spissæ & extensæ, tenuiores aliæ, telæ aranearum tam grossæ appareant? nimirum ex refractione, distorsione, confusione lucis specificæ, ut fieri videmus in speciebus, dum in speculum polygonum, cylindricum, concavum, aut convexum incurrun. Si lapides objicis characteribus hebraicis insignitos, ad antiquum Hebræorum sepulchretum altero teli jaectu à monte hoc prodigioso diffitum, & ante annos non ita multos, dum iudæi ex oppidis vicinis exturbarentur, disjectum confugio, ubi ex monumentis & inscriptionibus sepulchralibus pro more gentis erigi solitis, incuba lux & characteres, & integra vocabula inducere, & aliò pro extensione suâ transferre didicerit. Ita somnium suum, ut ipse nominare voluit, Philosophicum exposuit, quod minimè prætermittendum censui, ut vel ex hoc pateat, quām se torqueant præclara ingenia, ut verisimilem aliquam lapidum nostrorum figuratorum causam & originem undecunque conquirant. Ego singulas summâ observantiâ veneror, nonnullis circa alias petrificatorum species sinè hæsitatione assentior, id solùm sequentibus capitibus demonstrare aggredior, tam insolitam esse lapidum nostrorum indolem, ut opiniones, quas retuli, omnes documentis & experimentis exploratissimis stabilitas, novitate suâ eludant.





## CAPUT QUARTUM.

Lapides figurati Wirceburgenses non sunt reliquiae & Vestigia Paganismi, adeoque superstitiones Ethnicorum Germanorum Arti nequeunt adscribi.

**N**escio, quibus rationibus inductus Vir Eruditus, sibi aliisque persuasum velit, Lapides nostros *superstitiones esse Paganismi reliquias*. Quidquid enim vel in Synodo Liptinensi, cui Synodum Germanicam anno uno citius celebratam addidimus, de *Paganiis* è Neophytorum manibus extorquendis & extinguendis statutum est, minimè convincit, fossiles saxorum nostrorum imagines ex earum numero esse, quas Carolomanni Pietas, & Virorum Apostolicorum zelus abolere, & fidelium oculis, animisque subducere, unicè cupiebant. Inspiciamus utriusque Synodi Canones fideli manu excerptos, quorum V. in Synodo Germanicâ ita habet: *Decrevimus quoq; ut secundum Canones, unusquisq; Episcopus in suâ Parochiâ sollicitudinem gerat, adjuvante Gravione, qui Defensor Ecclesiæ ejus est, ut Populus Dei Paganias non faciat, sed omnes spurcitas abjiciat, & respuat, sive profana sacrificia mortuorum, sive sortilegos & divinos, sive phylacteria & auguria, sive incantationes, sive hostias immolatias, quas stulti homines juxta Ecclesiæ ritu pagano faciunt, sub nomine Sanctorum Martyrum & Confessorum, Deum & Sanctos suos ad iracundiam provocantes, sive illos sacrilegos ignes, quos nedfratres (nodfyr vel nodfeyer) vocant, sive omnes, quæcumque sunt paganorum observationes diligenter prohibeant: In Synodo verò Liptinensi, Canonis IV. hæc verba sunt: Decrevimus quoque, quod & Pater meus ante præcipiebat, ut, qui paganas observationes aliquâ in re fecerit,*

fecerit, multetur & damnetur xv. solidis. Huic è monumentis Paderbornensibus subjungitur indiculus superstitionum sive Paganiarum triginta prohibitarum, quas singulas, si cum præcitatibus Canonibus attentè consideres, ad nullam earum classem lapides nostros reduci posse deprehendes: Non ad *Sacrificia* sive *hostias immolatias*, cum nec Idolorum, nec, quibus ista colebantur, victimarum vices subierint: quis enim lapides pro sacrificiis oblatis, aut expressas animantium imagines, hostiarum loco immolatas observavit? Non ad auguria, divinationes, fortilegia aut incantationes: Refutator Domini Van Dale, ac Defensoris hujus, Domini Fontenelle, longè alios vaticiniorum, auguriorum, divinationumque ritus ex Ethniciis Christianisque vetustissimis Scriptoribus allegat, in lib: de silentio Oraculorum, nullâ similiūm superstitionis lapidum factâ mentione: Non ad phylacteria sive ligaturas: Quis enim saxa ligaturis aut philacteriis adnumeret? Quis scrupulâ hâc faxorum congerie fascias ac subligacula vel farta, vel gemmarum loco distincta & exornata fuisse credat? Quæ de tempestatibus, cornibus, & cochleis ibidem vetita sunt, itidem nihil commune habent, cum tantâ insectorum omnis generis varietate, quæ tum in tabellâ præsenti, tum in sequentibus expressa dedimus. De Amuletis Ethnicorum laudatæ Synodi, vel Paganiarum catalogus, altum silent, nec molis tantæ, tamque informis lapides appendi collis infantium contra incantationes, aut fascinum poterant, nisi suffocare parvulos & opprimere, appenso ex annulis aut catenulis, quarum nec vestigium rudis figura lapidum gerit, non exigui ponderis saxo parentes impii voluissent. Si hæc barbaræ & imperitæ gentis Idola fuisse contendas, fateor equidem non barbaris modò incultisque nationibus, sed & Græcis, Ægyptiisque, &, qui Gentium omnium superstitiones imitabantur, Romanis belluas quoque, & ferarum immanissimas Deorum loco habitas cultasque fuisse. Verum quis gryllos, araneas, lumbricos, testudines, & si

36 LITHOGRAPHIÆ WIRCEBURGENSIS.

quæ alia sunt, viventis naturæ ejectamenta, aris impo-  
sita, & inauditâ hactenus apotheosi donata fuisse me-  
minit?

Et verò Scriptorum Franconicorum de paganiis in  
unum montem consepultis silentium pro disertissimo no-  
bis testimonio est, nihil ex præscripto laudatarum Syno-  
dorum contigisse, quod novissimæ hujus opinionis  
Author intendit. Refert quidem Ms: Herbipolense  
Chronicon superstites fuisse ex veteri Gentilismo Palladis  
& Martis statuas Græco more & habitu expressas, eás-  
que in gradibus ad Porticum Ecclesiæ Cathedralis, qui  
locus hodie vulgò *jur Greden* dicitur, ornatûs aut anti-  
quitatis conservandæ causâ expositas, demum in proflu-  
entem Mœnum, ad abluendam omnem priscæ impieta-  
tis memoriam abjectas fuisse: nullius autem alterius eth-  
nicæ sculpturæ vel abolitæ, vel conservatæ mentionem  
facit.

Alluebat Wirceburgum Mœnus temporibus S. Boni-  
facii, S. Burchardi, aliorūmque Præsulum & Apostolorum  
Franconiæ nostræ, profundo satis alveo, in hunc demer-  
gi, aut flammis absumi poterant infames illæ Ethnicismi  
reliquiæ, quas Christianis indigenis vel Episcoporum ze-  
lus, vel dictatæ à Ducibus Francorum multæ timor sub-  
duxit. Cur in montem potius congestæ sint, facili ac-  
cessu omnibus obvium, & viæ regiæ ad Mœni ripam  
proximè contiguum? Ad loca deserta, ad abditos syl-  
varum densissimarum, quibus Patria nostra hodie dum  
undique vallatur, recessus, ad inhospita Franconiæ Borealis  
saxa, ad antra subterranea amandari debuerant illæ,  
de quibns Synodi loquuntur, Spurcitiæ, si puritati Reli-  
gionis consultum volebant solliciti Antistites, non verò ad  
montem, locumque in oculis omnium deportari, undè à  
populo, sub id tempus ad avitas superstitiones adhuc val-  
dè proclivi nocturno furto repeti, & tantò periculosius,  
quò cautiùs occultiùsque poterant retineri.

Adhæc

Adhæc eâ tempestate non sola Herbipolis, aut ager Wirceburgensis indigenis habitatus erat. Numerabat Franconia frequentes pagos & oppida divisa in Parochias, quorum incolæ in pietate, moribúsq; Christianis instruebantur : nullibi tamen tot sæculorum intervallo, inter continuas agrorum vinearúmq; culturas, inter sylvarum excifarum latebras, vel unicum extirpatæ superstitionis vestigium occurrit. Quod de Franconiâ idem pari jure dixerim de Bojoariâ, Thuringiâ, Hassiâ, Saxonîâ, quæ omnes amplissimæ Provinciæ latum Apostolicis laboribus campum S. Bonifacio ejusque sociis aperuerunt. Exscindebantur luci, evertebantur Idolorum delubra & fana, Idola igni eremabantur, nihilque prætermissum fuit, quo omnis pristinæ superstitionis recordatio è cogitationibus & aspectu hominum evelleretur. Suffulciebant Christianissimorum Francorum Principum studia Sanctorum Præsulūm industriam, qui non minore ac olim Constantinus & Theodosius Magnus in Oriente fecerant, industriâ conatûque Franciam orientalem, quacunque versùs patebat, Ethnicorum spureis erroribus liberam expurgatámque cupiebant. An nullibi in memoratis Provinciis Paganiae Neophytis sublatæ, in aliquem terræ cumulum tumulúmq; congestæ, postremâ hâc ætate nostrâ detectæ & cognitæ fuerunt? Nemo ex omni Virorum Litteratorum numero, qui laudatarum Regionum terras ad viscera usque ingenti solertiâ scrutati sunt, & plura Naturæ petrificæ miracula in lucem producta doctissimis commentariis ediderunt, nemo, inquam, est, cui in mentem venerit, ea Paganis aut superstitionis extirpati Gentilismi monumentis accensere. Inspicite, si lubet, relatum cap. i. Lithographorum solertissimorum Catalogum, Argumenta scriptioris, ipsosque Commentarios evolvite, ne unum ex omnibus reperire est, qui Paganismo extincto figuræ hujusmodi exoticas adscribat. Quanquam & nullus mihi, aliisque Lithophilis visus, lectusque sit, qui in similes nostratis lapides post investigationem quantumvis sedulam

38 LITHOGRAPHIÆ WIRCEBURGENSIS

dulam inciderit. An fortè Thuringi, Bojoarii, Hassi, Saxonésque iisdem, quibus Francones Synodorum & Principum Francorum, de vetitis *Spurcitiis* Decretis & Legibus non tenebantur? An hi soli præ cæteris Germaniæ populis ita tenaces erant damnatorum rituum? An sola Franconia & modicus quidem tractus illius, ager nimirum Herbipolensis, tumulum aperuit, in quem congestæ veteris impietatis imagines sepelirentur, & ad ætatem usque nostram, præteritis saeculis incognitæ servarentur?

Si cælaturam figurarum attentè inspicias, illam in unâ eâdémque tabellâ tam diversam distingues, ut seduli Sculptoris artem mirari possis in bestiolâ, quam in alterâ ejusdem faxi imagine ruditati illorum temporum, apud gentem artibus nondum exultam adscribes. Cur Paganorum Ethnicorum ars unius insecti formam tam dexterè assecuta, in alterâ defecit? Et, quod maximè ad rem facit, cur animalculorum extraneorum & maritimum ectypa elegantiùs plerūmque & perfectiùs expressa conspiciuntur, præ domesticis & patriis, quæ indies ob oculos versabantur? Quo vento vel turbine ab Oceano & exteris regionibus in interiorem Germaniam, in barbarorum Paganorum manus delata sunt peregrina & maritima animalcula, quorum effigies in profanis Idolorum sacris ad superstitionis cultum adhiberentur? Cur artifices aut Mystæ Ethnici ad opus venerationi Deorum, aut divinis, ut falsò rebantur, suprà naturam effectibus destinatum, vilissimorum saxonum, imò calcis aut luti indurati fragmenta elegerint, præ lapidibus melioris notæ, imò marmoribus, quæ montes vicini nutriunt?

Militat profectò contra hanc opinionem ipsa natura lapidum, de quâ supra cap: 2. egimus. Quamplures adeò molles tractabilésque demonstravimus, ut vehementiore attachu diffringantur: figuras iisdem impressas

adeò

adeò recentes deprehendimus, quasi rotæ aut manui fìguli vel Naturæ ( si tamen eam hîc artificem dicere possumus ) plastico operi intentæ subducerentur. Plurimi aquæ immersi calcis in morem ebulliunt & dissolvuntur, quales ii sunt, quos *in Tabula I.* hîc apponimus. Quâ ratione per præterlapsa integra decem Sæcula à cariosâ putredine & interitu integri conservati sunt, in monte, continuis imbrium alluvionibus exposito, & in sulcos ac hiatus complures scisso ac perforato? Cur in istis aquarum pluvialium receptaculis sub modicâ incumbente glebâ, aut cœlo aperto dispersi, toties per anni tempestates grandinum torrentiûmque magno impetu illuc ruentiū & in lacunas terræ sese insinuantium vi & incursu perpluti & probè tincti, non diffluxerunt in pulveres, aut in pristinas arenas reciderunt?

Denique, quod omnem de Paganarum reliquiis suspicionem penitus extinguit, sunt lapides non pauci, quos characteribus hebraicis ( ut Arabicos, Latinos & Teutonicos præteream ) notatos eodem in loco, quo cæteros, reperimus. In his Nomen Dei ineffabile, *Jehova, Virtus Domini, Misericordia Domini, Potentia Domini*, aliæque perfectiones Divinæ verbis disertissimis expressæ ( quod infrâ cap: penultimo videbitur ) uti veri supremiq; Numinis agnitionem laudésque loquuntur, ita profectò nihil communne habent cum Diis Deabúsque Gentilium, nec ad superstitiones errorum cæremonias ac maleficia unquam pertinuisse noscuntur. Dices fortassis non procul à monte hoc abesse sepulchretum judæorum, è quo lapides sepulchrales, pro more gentis hebraicis inscriptionibus notati, atque in hunc locum deportati ab eo tempore fuerint, quo judæi ex vicino oppido relegati, tumulique eorum eversi & dissipati sunt. Si ita est; Non Paganorum, sed mortualia judæorum monumenta rectius dixeris lapides nostros; quanquam nec hoc sustineri possit. Vivunt oppidani non pauci, qui judæos suâ ætate adhuc

40 LITHOGRAPHIÆ WIRCEBURGENSIS

incolas proscriptos expulsosque viderunt. Nullus autem eorum meminit epitaphiorum in alterum montem profundâ & præcipiti valle separatum, aut imbrum frequentiâ devectorum, aut vinicolarum operâ translatorum. Grandiora saxa sunt, quæ pro epitaphiis Hebræi adhibent, defunctorum & familiarium nominibus gestisque particularibus inscripta : Lapidès nostri eam magnitudinem nè latum unguem excedunt, in quâ ad amissim delineatos & æri incisos dedimus, lapilli potius & informes rupium aut faxorum particulae, in quibus præter ea, quæ Deum concernunt, nec nominis proprii, nec factorum particularium, aut anni temporis que Chronologicum vestigium, Viri linguæ sacræ periti ac Rabbini Doctissimi hâc de re consulti observaverunt. Quàm vehementer judæi post ultimum Hierosolymorum excidium ab omni Idolatriæ umbrâ abhorreant, & vel ideò sculptas pictasque rerum creatarum imagines aversentur, neminem latere potest. Inveniuntur nihilominus in hoc ipso Lithophylacio nostro Cornua Ammonis, Pectunculi, nota ignotaque animalcula characteribus Hebraicis, sacrisque Dei Nominibus insignita, cum reliquâ insectorum sexcentorum farragine, de quibus egimus. An credere fas est, hæc sectæ judaicæ artefacta fuisse, ad mortuorum suorum sepulchra exornanda memoriâmque ad posteros cum immortali superstitionis contra legemavitam patratæ & promeritæ execrationis notâ propagandam?

Liceat itaque cum bonâ Historicorum viâ, & singulari, quâ ipsorum Eruditionem suspicimus, observantiâ ab opinione Eorum recedere, Natalésque Lapidum Nostrorum, nec ac Paganismi, nec à Judaismi in cœmeterio superstitis monumentis ac reliquiis derivare.

CAPUT

# CAPUT QUINTUM.

Ingeniosum Commentum est, quæ de Virtute  
Lucis plasticâ Lapidum nostrorum forma-  
trice nonnemini in familiari colloquio placuit  
suspicari.

Ommentum appello ex ipsis Viri mihi amissimi verbis, quibus opinionem non tam suam, quam conceptum Philosophico-Poeticum expressit. Cur enim, inquiebat, mihi licitum non sit in argumento tam obscurō, tam inter Litteratos controverso Ideam aliquam effingere, si non est putoe veritatis, saltem non est concavo aut montibus Lunae, aut cerebro Platonis, sed ex Naturae fontibus haustam. Fuerunt apud Libavium *Lib. 5. de Bituminibus*, qui lapidum pictorum & figuratorum artifices, *Genios subterraneos* dixerunt, quorum opera ad fulciendam in hominum credulorum animis superstitionem formentur. Fuerunt alii qui cavernas, ex quibus omnis generis petrificata animalcula effodiuntur, sanctis olim Anachoretis habitatas referunt, quos rerum divinarum contemplationi immersos, ab omni hominum commercio abstractos, variis infestationibus in sancto otio turbare, inanibus terriculamentis percellere, & immisis insectorum turpissimorum & venenatorum turmis est sacris illis recessibus expulsos in mundi conspectum, pristinamque societatem hominum revocare, mali Dæmones tentarint: Sed Viros Divino praesidio tectos, solo salvificæ Crucis signo abegisse insidiatores pessimos, & quidquid stygiis eorum artibus animalculorum adductum fuerat, in solidissima saxa convertisse, quæ hodiedum ad perennem miraculi memoriam ex subterraneis hisce cellis eruantur. Ita ad superos infernosque

## 42 LITHOGRAPHIÆ WIRCEBURGENSIS

rósque provocant pii Philosophi, ne in re incertâ, & explicatu diffílici nihil omnino dixisse videantur. Lux præplacuit osori tenebrarum, Fautori meo, cui pro illustribus terrei & obscuri partūs natalibus inter aureos serenosq; solis radiantis luménq; spargentis effectus feliciter repertis plurimùm obstrictus essem, si de lapidibus filios Lucis suscitare potuisset. Induit lux transeuntes rerum omnium visibilium imagines, eásque vel in speculis oculisque viventium depingit, vel vitris opticis, camerisque obscuris receptas, in tabulam aut parietem candidum ita reflectit, ut pari, quâ fiunt, celeritate evanescant. Quandonam colore indelebili, novus hic artifex ita pictoram exercuit, ut vel umbram altius subjectæ materiæ impressam relinquere? Innumera ubivis locorum esset Iconolithotum multitudo, nec insectorum tantum, sed præstantissimorum ex omni Naturæ regno corporum, urbium, arcium, nemorum, vinearum, ac denique cunctorum, quæ sub sole sunt, ectypa, si prothea lux, uti singulorum formas induit, sic fixâ reverberatione effigiaret. Quis Cometas finxit in lapide, raro & totius quandoque sæculi intervallo non conspicuos, prætermisis stellarum quotidie Hemisphærio nostro illumincentium formis? Exposita soli meridiano cera liqueficit, sed ut fuit, informis, manet. Quid nive recipiendis impressionibus aptius, quid tractabilius? Lucem illa sereno cœlo admittit, undequaque reflexam & incidentem, sed sinè graphicis specierum notis. An unius Franconiæ nostræ collis glebam parit cæteris Europæ plagis incognitam, & recipiendis prodigiosis effectibus idoneam? Quàm novum & insolens connubium, lucem inter & elementares atomos per aërem dispersos excogitat, quorum coniunctis viribus admirandi in duritie suâ formatâ partus progignantur? Quam lux ab elementis, aut ab utrisque terra fœcunditatem sortitur, ut in lapide gryllum, muscam, lacertam, aut quodcumque aliud insectum generet, aut in illud saxeam glebæ luteæ, arenosæ, vel

vel margaceæ materiem transformet. An tacitè in Luidii opinionem inclinat, & quæ ille vaporibus, hic luci commiscet semina, cuius ope & inferantur terræ, & formas nativas induant? Analogia inter maternum uterum & sinum terræ hîc maximè, ut omnis comparatio, claudicat. An inanimi terræ globo vim tantam acti-  
vam tribuas, quam Principio vitali in matre prægnante meritò adjudicant Physici, sed modum operandi subita-  
neum, & ordinatae naturalis corporis symmetriæ adver-  
fantem necdum dilucidè citrâ multorum dubitationem exposuerunt. Fiunt monstra, aut benè formato fœtuī nævi materni imprimuntur, non solo tamen specierum visibilium ex objecto terrifico, aut insolito, conceptu, sed & tactu, auditu, imò gustu quandoque. Quid luci cum auditu vel tactu, quid terræ emortuæ cum sensibus commune est? Lux sola corpora diaphana & perlu-  
stria penetrat: densorum autem & opacorum, quale terra est, externam solummodo faciem radit, non permeat, non ambit, non circumfunditur, tunc potissi-  
mùm dum alteri corpori solido instrata incumbunt. Quâ igitur viâ ad trium, quatuor, imò plurium cubitorum altitudinem terreos aggeres pervadit lux, quo juxta multorum opinionem solaris ægrè calor diffunditur, ut species propaget, & fortè ad glebæ mollieris tabulam allifas, cum imagine figat? Imò non solâ impressione, sed opere, ui ita loquar, tornatili, concham numeris omnibus absolutam, non rudi luto inhærentem, sed quaquà versùm continuato artificio eleganter spectabilem relin-  
quat? Videatur *Tabula II.* ubi lit: A. prorsam lapidis figurati faciem, lit: B. aversam indicat.

Hâc unâ reflexione corruit, quidquid de specierum confusione, permixtione, diversâ reflexione, ceu defectu-  
osarum imaginum monstrosâ causâ comminiscitur. Frustra quoque characterum aut vocabulorum hebrai-  
corum ideas ex Hebræorum sepulchralibus monumentis

44 LITHOGRAPHIÆ WIRCEBURGENSIS.

advocat, ac in lapides vehiculo lucis adducit; Si Ju-  
daicorum sepulchrorum inscriptionibus debentur tam di-  
ferta Divinæ Majestatis, Messiæ, Spiritusq; Divini elogia,  
quod meritò cap. præced. in dubium vocavimus, cur vites,  
sepes, arbores, erecta Sanctorum per vineas trophæa &  
columnæ, non minùs, imò patentius luci exposita in  
lapidibus nostris locum minimè inveniunt? Cur digni-  
or Hebraismus visus est, cuius in monte hoc relinquere-  
tur in saxeâ effigie vestigium, præ pluribus aliis, quæ de-  
sultorio pede transiliisse, & neglexisse non finè delectu-  
lux existimabitur?

Denique in vitri encaustici sinum colligi cum ra-  
diis solaribus lux ipsa potest, & in flamas Archime-  
dæo artificio, ad hostilis classis incendium diffundi po-  
test: Idem si de specierum propagatione & per virtu-  
tem Lucis graphicam impressione experimento irrefra-  
gabili monstrari posset, illustrem lapidibus nostris  
originem cum plausu gratularemur.



CAPUT



## CAPUT SEXTUM.

Seminum testaceorum & animantium marinorum vaporibus ab Oceano ascendentibus immixtum, & cum pluviis in terras dispersum, non est origo Lapidum nostrorum Wirceburgensium.



Duardus Luidius, Vir Doctissimus & laboriosissimus, quo ipsum elogio Cl: Büttnerus *Coralligraph: subter: cap: I. §. 17.* meritò honorat, sistema suum de fossiliū marinorum origine, de quo supra cap: 3. egimus, subtimidè refert epist. 6. ad D. Joannem Rajum, tot tantaque argumenta in contrarium sibi ipsi opponit, opposita adeò leviter ac perfunctoriè solvit, ant transfilit, ut non alio melius telo, quam proprio Authoris, paradoxam hanc sententiam confici posse existimem.

Quis enim semina tam longo per aëra tractu circumvecta, in matricem denique, genesi & nativo eorum incremento propriam aut proportionatam deportari dixerit? Quo duce, quâ viâ, quo impetu durissimis saxis infunduntur? Quo artificio in tenuissimos densorum lapidum poros, patefacto aditu sese insinuant? Aut si virtute quâdam magneticâ attracta imbibitâque recipiantur, undénam obsecro augmentum sumunt figuræ suæ specificæ obtainendæ & absolvendæ, ab Authore Naturæ determinatum? Quâ celeritate & frequentiâ non in Britanniam solum, mari undique circumfusam, sed in mediterraneas quoque Germaniæ interioris & à pelago remotioris plagas transferuntur? Cur partus marini non passim reperiuntur obvii, cum vapores seminio gravi, & in pluvias resoluti quaquâversum se effundant?

M

dant?

## 46 LITHOGRAPHIÆ WIRCEBURGENSIS

dant? Cur alicubi corpora effodiuntur integra, alibi particulæ & fragmenta tantum & imperfecta marinorum animantium, testaceorum aut vegetabilium rudimenta? Si semina illa (ut ex Doctissimo Assalto arguere licet) terræ rupiūmque penetralibus immissa ita ibi foveri posse existimet Luidius, ut animalcula edant, ut edita & exclusa ibidem nutriantur, crescant, vivant, perficiantur, quis non videt hæc à constanti rerum naturarium serie ac ordine à summo mundi Opifice instituto plurimum abhorrere & aliena esse? *Quis unquam in mari avem iis, quæ in aëre degunt, similem ortam observavit, aut animal formam quadrupedis, veluti equi, aut leonis &c. ad amussim referens; Aut quis volantes in aëre pisces confexit, aut absolutam perfectamque avem vel piscem, vel quadrupedem ex stirpibus germinare animadvertis?* Hæc ac similia evenire minimè possunt, quin immutabilis Naturæ ordo perturbetur, quod dicere aut credere absurdum foret ac ridiculum: Multò magis absolum erit, contendere ex intimis terræ rupiūmque visceribus à semine per pluvias illuc delato, gigni lapideos pisces, conchylia, omniūmque penè aquatilium genera, adeò veris animalibus eorumque partibus similia, ut motu solùm ac vitâ inter se distent. *Cum enim varia sit internorum organorum structura, ac varia humorum crais, pro vario animalium aut stirpium genere, hinc fit, ut tantum absit, ut qualibet eisdem nutriantur, adolescent, & conserventur, ut potius sàpè sàpius, quæ unum summopere recreant, aliud lèdant ac perimant: Quamobrem, quæ plantæ in montibus latè proveniunt, in oris maritimis contabescunt, & è converso, quæ locis palustribus turgent, in apricis ac siccis arescunt, ac sic de singulis: Idem quoque in animalium genere observatur, ut alia aliis cibis, locis, temporibus aliisque circumstantiis delectentur, juventurque.*

Ex quibus porrò concludit Vir perspicacissimus, pisces, conchylia, testacea, crustacea, aliaque hujuscemodi in mari orta, si in semine alio transferantur, necesse fore,

fore, ut corrumpantur & intereant, cum fieri nequeat, ut in methodo ab Authore Naturæ destinatae ubiq; conveniens fomentum, nutrimentum, & subsequens ex eo incrementum nanciscantur. Quin potius rationi consentaneum est, si semina hujuscemodi in lapidum aliorūmque fossilium fodinas illabantur, ea à corrosivis mineralium salibus erodi ac dissolvi, aut à lapideâ vel metallicâ materiâ circumfusa ita opprimi, ut nec augmentum capere, vel dilatari possint.

Quæ de integris animantibus eadem de singulis eorum partibus separatim inventis laudatus Author differit. Repugnat enim præfixo rerum naturalium ordini & manifestæ experientiæ. *Quis enim, inquit l. c. avium plumas seorsim ab ipsis, quis leonum jubas, aut Elephanti proboscidem, vel boum palearia, vel aprorum dentes, ab ipsis animalibus separatos gigni, aut fructus, semina, cortices, vel folia ab ipsis plantis remota crescere observavit?*

Non immoror ulteriori examini hujus fabellæ (sic Luidianam hypothesin Büttnerus nominat) id solùm affero, ut ut vera essent, quæ Doctissimus Anglus de Origine *ιειομόρφων* lapidum ingeniosè excogitavit, ea lapidis nostris minimè posse applicari.

Reperiuntur in monte nostro præter recensita in proœmio ac tabellis expressa insectorum simulachra, quam plurimæ aliæ Zoolithorum & Lithophytorum species, quemadmodum ex sequentibus speciminibus nostris patet. Has verè marinas esse, ejusdémque planè formæ, texturæ, soliditatis ac perfectionis cum iis, quas Cl: Scheuchzerus cum sequacibus suis reliquiis diluvianis accenset, piscium testaceorūmque marinorum exactissima expressio, armaturæ superstites, membrorum partiūmque articuli, succi petrifici adhærentes massæ, & ipsa lapidum durities, quæ diluvianis inesse solet, pyriten non rarò adæquans ac silicem superans, ad oculum demonstrant.

48 LITHOGRAPHIÆ WIRCEBURGENSIS

Horum ortum Luidius utique seminio cum vaporibus & pluviis in uterum terræ illapso adscribet. Verum longè ab his discrepant lapides cæteri, de quibus quæstio est, licet & horum multi marinorum insectorum & testaceorum figuram non inconcinnè imitentur; Molles sunt, fragiles, à priorum elegantiâ multum remoti, nullâ articulorum compage, nullo structuræ interioris indicio spectabiles. Cur semen ejusdem planè infecti & animantis, eidem homogeneæ glebæ injectum, eodem in loco sub eodem cœlo & sole cum tanto formatorum effectuum discrimine operatur?

Luidio de marinorum & testaceorum origine si non unicus, saltem præcipuus sermo est, hinc eorum natales è mari petit. Lapides nostri *ιωνοὶς*, lumbricos, lacertas, vespas, gryllos, muscas, bufones, ranas, scorpiones, aves quoque & plantas cum floribus exhibent, quorum semina non mari Britannico, sed fortè vaporibus è terrâ ejusmodi animantium aut vegetabilium patriâ exurgentibus, eadémq; secum elevantibus debemus: quod postremum necessariò dicendum est, ut systema Luidianum, marina solummodo respiciens ad lapidum nostrorum genesin possit applicari. Sed, cur cum iisdem vaporibus & exhalationibus terreis non pari motu attolluntur, & cum relabentibus pluviis humo illabuntur, majorum & perfectiorum animalium, sive altilium, sive ferarum in sylvis aut morticiniorum caveis putrefactorum semina? Si eodem modo sursum deorsumque cum insectorum spermaticis effluviis feruntur, cur nullibi hæc matricem, cunásque sibi congruas reperiant, in quibus cervum, vitulum, aprum, petrefactum offendere liceat, uti cancrum bufonem, aut erucam? Cur gleba montis nostri tām fœcunda præ aliis est, ut animantes non membratim infractas, aut earum partes tantūm aliquas, sed ferè semper omnes integras, ac ut plurimum secundūm definitam sibi à Naturâ magnitudinem absolutas

lutas edat? An hunc in locum liberaliores pluviæ non membrorum tantum partiūmque aliquarum, sed integri animantis collecta, minimēque diminuta aut divisa semina deponunt? Cur animalcula & vegetabilia, licet integra & absoluta, non tamen solitaria, & à matrice suâ exclusa procedunt, sed quasi dimidiâ sui parte lapidibus immersa, imò cum faxis continua & indivisa, in externâ solùm superficie protuberant, reliquâ ac inferiore corpusculorum basi unam cum substratâ materiâ informem massam constituunt? An feminis, an matri-  
cis in elaborando fœtu activa fœcunditas deficit? Cur vicini vitiferi colles, aliique Wirceburgo adjacentes, à me curiosè lustrati, & ex eadem cum monte nostro Lithophoro terrâ lutosâ, arenosâ, margaceâ compositi, iisdem imbribus seminum imbibitorum feracibus perfusi similes partus non producunt? Si non omnis fert omnia tellus, cur eadem saltem iisdemque causis ac principiis adjuta eosdem effectus non parit? Quis vapor glebæ Franconicæ conchæ marinæ semen, quis ei-  
dem conchæ bufonis semen conjunctione tam mirabili intulit, ut uno eodemque partu lapis luteus aut calca-  
rius inclusum benéque formatum Pectiniti bufonem eni-  
teretur?

Mitto hæc aliisque complura lapidibus nostris Idiomorphis propria & specialia, quæ in sequens caput rejicio; Id solùm seminalis hypothesis Authorcm consultum velim, an sua Soli, Lunæ, Stellisque cæteris inest fœcunditas? An semine propagantur, quod nescio, quo casu, fortè ex Luidianâ putrescentium stellarum mucidine ex æthere in montem nostrum præceps, amissâ naturâ igneâ, in saxeos asteriscos, Cometas, Solem & Lunam degenerârit? Risum teneatis Amici! Tunc nimirum terra feret stellas, simili cum Animantibus & vegetabilibus propagine natas, cum cœlum findetur aratro. Dic, præterea, & eris mihi magnus

N

Apollo,

50 LITHOGRAPHIÆ WIRCEBURGENSIS.

Apollo, dic quibus in terris nascantur Nomina Summi Numinis inscripti lapides, quos *Litteratos* appellant Lithographi, sacræ linguae characteribus elegantissimè notati? An Artis, an Naturæ ludentis, aut per semina operantis, aut salium in figuræ characteristicas se se distorquentium opus sunt?

Deficit h̄c profectò hypothesis Cl: Luidii, & quisquis primi hujus speciminis nostri Tabellam tertiam accuratiùs inspexerit, aliam Iconolithorum exhibitorum originem, ex aliis principiis petendam nobiscum judicabit.



CAPUT



## CAPUT SEPTIMUM.

Semen in emortuis corporibus relictum, aut in putrefactorum inucedine superstes, ac per subterraneos meatus & saxorum fissuras distributum cum vi suâ plasticâ, vel aurâ seminali à spiritu lapidifico adiutâ, non est causa formatrix Iconolithorum  
Wirceburgensium.



Uemadmodum Luidius Zoolithorum & Lithophytorum marinorum semina ex oceano per vapores in pluviam resolutos, sic eadem provehentibus undis per subterraneos meatus in continentem deducit Cl: Langius, per fissuras petrarum & fodinarum sinus distribuit, imò ad ipsam terræ superficiem in altissimos montes propellit, ibidémque ad faxi figurati genesin Magnetismo, aurâ plasticâ vel seminali, spiritu petrifico suppetias ferentibus, aut, si ita dicere licet, obstetricantibus, belluam, vel plantam lapideam in lucem protrahit. Impugnatur hæc hypothesis iisdem argumentis, quibus præstantissimi Lithographi, Scheuchzerus, cæteriq; oculatissimi Viri Luidianam non multùm absimilem convellunt. Horum præcipua paulò antè ex Celeberrimi Assalti notis *ad Armarium nonum Metallo-thecæ Vaticanae cap: 2. pag. 220.* excerptimus, quæ fusiùs relata ab Authore ibi invenies. Non possum tamen etiam hoc loco mirari ingentem virtutem Auræ plasticæ, vel Potentiæ seminalis, quam singulis animalium ovulis, ex quibus pleraque, ac ipsas plantas nasci statuit, inesse, & per omnes eorum partes expansam comminiscitur *cap: 1. de Origine lapid: figurat: pag: 42.* Hanc, ut ex mente Luidii Langiique refert laudatus Assaltus l. c. singulis corporibus inesse existimat, quæ veluti quadam susceptâ provinciâ ovulorum fluida impellat, tubulos patefaciat, ac nutrimentum

## 52. LITHOGRAPHIÆ WIRCEBURGENSIS

tum aptum extrinsecus adveniens feligat, admittat, ac per omnes partes apposite distribuat: quo fieri posse existimant, ut dicta ovula non magis intrà maris undas, quam inter margam, arenam, & saxa, suscepto convenienti alimento salino-nitroso, quo dicta loca scatere affirmant, ad eorum nutritionem apto, augeri, atque in perfectam animalis figuram adolescere, tum ob vim plasticam omnia disponentem, tum ob congruentem ovulorum structuram, tum ob alimenti particulas facile aptis partibus adhaerentes. Quam stupenda facultas Auræ formatrix! Quæ animæ locum obtinens, non solam viventium in se ideam continet, sed eandem velut Architecta, & Artifex operis in rudem materiam inducit. Nova hæc metempsychosis est, Pythagoricâ mirabilior, quod hæc animam spiritumq; ad corpus jam formatum in meritorum pœnam vel præmium releget, illa verò ætheream animulam ovulo insitam, & saxeо terreovē durissimo carceri inclusam, suum sibi domicilium ex adscitiatiâ eaque peregrinâ materiâ fabricare affirmet.

Aura hæc seminalis & plastica utiq; corporea est, & ita in partes divisibilis, ut neutiquam sit tota in toto, & tota in qualibet parte ovuli aut feminis corporei. An omnes Auræ hujus mirificæ partes tantâ virtute pollent, ut singulæ, plantæ aut animali integro efformando sufficient? An singulis corpusculi animandi articulis, membris, partibusq;, figurâ, situ, qualitate inter se dissidentibus specifica auræ plasticæ pars præsidet, cuius facultas ultrà determinatam hanc fœtūs insoliti structuram ad alias se non extendat? Si primum asseris, cur dentes Lamiæ piscis, vel sic dictæ Glossopetræ, acephala plerumq; Ammonis Cornua, spinæ aut pinnæ piscium, folia sinè ramis & stipite, trunci sinè radicibus, sinè arbore fructus reperiuntur? An cœpti laboris pertæsa ignava opifex ab opere destitit? An matrix congrua, & succus alimentitius proprius defecit pro reliquis inchoati portenti artubus? Cur dentem, linguam, folium aut fructum perfecit potius, aut pro Architecturæ suæ exordio delegit formatrix Potentia, præ capite, maxillâ, arbore,

arbore, aut radicibus? Si secundum affirmas cum Cl: Langio l: c: cap: i. pag: 37. ita differente: *Aura seminalis non in omnibus corporis viventis partibus eadem est, licet per omnes equaliter sit diffusa, nam probabiliter à Deo cuilibet parti peculiaris aura seminalis indita est, mediante cuius vi plasticā, naturalis ejus substantia ac determinata structura ex succo nutritio per accretionem augetur, per nutritionem verò conservatur, quo fit, ut in animalibus v:g: succus nutritius in carne carni, in osse ossi, in membranā membranæ, in glandulā glandulae, in sanguine sanguini assimiletur, in vegetabilibus autem in radice radici, in caule cauli, in flore flori &c. hāc semper lege, ut cujuslibet partis tam internā naturali structurā, quam externā formā in omnibus ad amissim secundūm innatam propriæ naturæ exigentiam progignatur &c.* Hæc ille, quasi desumptā à partialibus peripateticorum formis, vel aliorum fermentis particularibus metaphorā, de Aurā seminali in singulis partibus virtutem heterogeneam exerente. Verūm quo casu, quāve fortunā contigit, ut in montem nostrum tot auræ seminalis particulæ cum ovulis & semine conjunctæ, nullāq; vel aëris, vel ventorum, vel aquarum per occultos telluris canales irrumpentium violentiā separatæ ac disjunctæ illapse sint, & in singulis ejusdem montis hiatibus ac cavernis, tot, iisdēmq; diversis in iis delitescentibus materiis, & lapidibus arenosis, lutosis, limosis & calcariis imò siliceis & marmoreis cunas matricemque, cum succo nutritio tam accommodam, & in adventum coloniarum & hospitum exoticarum ex providā Naturæ sollicitudine reservatam invenerint, ut insecta, si paucissima excipias, animantia, ac testacea omnia integra, & in præfixa sibi ab Authore Naturæ magnitudine absoluta inveniantur? Cur in lapide limoso concham marinam, in conchā bufunculum (ut proximè ostendemus) omisso proprio conchylīi incolā aberrans Aura plastica produxit? Quis ovulo conchæ semen bufonis intulit? Quā ratione aut bajulis vaporibus & imbris, aut hydrophylacii subterranei ductu hunc in locum deportata sunt volucrum, quas hīc in tabulā IV.

O


exhi-

## 54 LITHOGRAPHIÆ WIRCEBURGENSIS

exhibemus, ovula? Cur ovum non prius in lapidem transiit, quām pullus indē excluderetur? Cur succus petrificus in avem potiūs jam perfectam vim suam exeruit, quām in ovulum in cortice testaceo sibi jam proportionatum? An sensim sinē sensu absoluta volucris fabrica naturam lapidis induit, an tota simul, quasi momento in faxum indurata est? Cur skeleton petrificari potuit præ pennis & carnibus, quas in hāc ipsā Tabulā diffluxisse conspicis? Cur Aura plastica in uno ovulo fœcunda pullum exclusit, in reliquis verò sterilis & iners cum ovo potuit lapidescere?

Hæ sanè difficultates systema *Langianum* in lapidibus nostris reddunt prorsus *adūator*, adeò, ut hoc loco necesse non sit provocare ad littératos & characteribus insignitos lapides, quos Tabula VII. ostendemus.

Ad observationes, quas Doctissimus Langius lib: 2. *De orig: lap: fig: cap: 1.* de generatione viventium in genere & *cap: 2.* de generatione testaceorum, quæ potissimum à lapidibus figuratis repræsentantur, & *cap: 3.* de eorum nutritione & accretione, ac demùm *cap: 5.* de viventibus à substantiâ lapidum longè alienis, & tamen intrà saxa natis, item *cap: 6.* adducit, cum laudato sæpiùs celeberrimo Affalto respondeo: *Ea, quæ de carne fossili, de cornibus animalium intrà terram crescentibus, aliisque similibus à nonnullis narrantur, pleraque ad fabulas esse rejicienda: sæpiùs enim accidit, ut apud naturalium rerum scriptores ut plurimum veritas, nonnunquām etiam fides desideretur; ii enim aut aliorum dictis temerè credentes, aut in suis observationibus non satis oculati ad falsa scribenda sæpiùs inducuntur.*



CAPUT



## CAPUT OCTAVUM.

Evidenter ostenditur, Zoolitha, Lythophyta & nonnulla testacea nostra, quantumvis marinis fœtibus simillima, à marinis undis, nec in diluvio universali, nec per occultos terræ meatus in montem nostrum deportata, & lapsu temporis petrificata esse.

**J**Am supra cap: 6. dixi, reperiri in monte nostro præter lapides controversos, insectorum & animalculorum imaginibus insignitos, ingentem etiam Cornuum Ammonis, Pectinum, Pectunculorum, Musculorum, Ostreorum, Cochlearum, Concharum, Stromborum, Turbinum marinorum, testaceorūmq; lapidescentium frequentiam, quæ cum- & sinè armaturis suis partim solitaria, partim matricibus inclusa, ex quibus ope mallei facile excutiuntur, partim in unam lapideam, massam durissimam compacta & coägulata (*ποιηλόσπερμον* græcè nonnulli vocant) videntur. Hæc ubi polita est, marmor elegantissimi coloris exhibet, cum conchis ipsis marmori immersis, sed ex politurâ lævibus, & venarum macularūmq; marmorearum vicem, cum magno oculorum oblectamento obeuntibus: Quæ omnia ultrà multorum millium numerum excrescentia universali totius orbis inundationi, ceu tristes, certas tamen Diluvii testes nos debere, cum Cl: Scheuchzero, & integra Doctorum classe, quos Langius in tract: de orig: lap: fig: cap: 9. refert, iisque Tertullianum ipsum, textu aperto adnumerat, perlubenter fatemur. Quodsi tamen diluviana hypothesis de lapidum figuratorum origine non nullis displiceret, è mari nihilominus partus ejusmodi, quos nunquam fontes aut flumina domestica protulerunt, in montes, cryptas, fodinásque per meatus subterraneos delatos, cum laudato sæpiùs *Affalto* dicendum est, cuius dif-

## 56 LITHOGRAPHIÆ WIRCEBURGENSIS

cursum à systemate diluviano discrepantem huc transcribendum duximus. *Licet quis ultrò fateatur, inquit contra seminales plasticos, hujusmodi animalia ex Diluvio universali reliqua fieri non potuisse, non exinde colligitur, omnino repugnare, alia etiam ratione nobis vel notâ vel ignotâ, hujusmodi corpora è patriis sedibus pulsa in alienas ablegata fuisse.* Quod enim ad Insulas aliisque loca à mari non multùm distantia attinet, in quibus prædicti lapides reperiuntur, veluti in Siciliâ & Melite, hisce rebus ditissimis, verisimile admodum est, ea quondam sub marinis aquis penitus latuisse, ut de Ægypto, déque Rhodo, Delo, aliisque Insulis scriptores gravissimi testantur, vel saltem aliquâ particulari alluvione olim fuisse demersa. Quod quidem multis circumstantiis comprobatur: námque in iis locis, in quibus lapides isti effodiuntur cernere licet innumera testacea, pisces, plantas atque alia, quæ nonnisi in mari gignuntur, immo & ipsius maris fundi limosam materiam, Echinorum nimirūm diversa genera, Conchylia, Coquelas, Ostrea &c. Corallia, Madreporas &c. quæ quidem inter se variis modis permista comperiuntur, partim integra, partim in fragmenta comminuta, ita, ut facile cognitu sit, ex quibus prædicta fragmenta sint divulsa: Nam passim reperiuntur cancerorum chelæ, echinorum fractorum modioli, aliisque hujusmodi non longè à cancris & echinis, quorum sunt partes, jacentia. Quamobrem nihil probabilius esse videtur, quām omnem hujusmodi rerum congeriem à marinarum aquarum vario motu agitatam, atque invicem confusam, ac terris impactam quondam fuisse. Ad plagas autem longo intervallo à mari disutas, ac supra ipsius libellam extensas, hâc ratione marinâ transisse probabile est. Communis fert sententia, marinas aquas, non solum externam globi terr-aquei superficiem occupare, verum per internos quoque terræ meatus ferri ac undequaque, etiam ad remotissima ac mediterranea loca subterlabi, quod & ii, qui semina piscium, unâ cum vaporibus efferri, atque ab aurâ plasticâ affectos in lapides idiomorphos crescere afferunt, concedant necesse est. Itaque fieri potuit, ut aquæ paulatim montium viscera pervadentes terram solverent, motuque subducerent, quam ob causam terreâ motes aquæ superstans labefactatis denique summo-

*summotisque veluti fundamentis corrueret : hinc aqua infrà posita terræ ruinâ compresa sursùm pelleretur, unâque secum magnam testaceorum vim aliorumque repento motu abreptam, ac confusam advehheret : aut terræ motu quacunque de causâ excitato omnia subverti, perturbari, atque ima cum summis permisceri ac confundi facile potuerunt &c. Ex quibus rectè inferre licet, quod à marinis undis sivè in Cataclysmo universali sivè ex Authoris Naturæ instituto terram per vias occultas interfecantibus (quod unanimi consensu admittunt ii omnes, qui origines fontium fluminumque oceano tribuunt) ad montes nostros testacei, imò pelagiani etiam ejusmodi fœtus sint deportati.*

Longè aliter se res habet cum lapidibus controversis, qui verè *ιδιόμορφοι*, id est figurâ peculiari, diverso ut plurimum colore, materiâ, soliditate, ac duritie, cæterisque attributis sese à reliquis marinis petrefactis distinguunt. Ea, quæ à diluvio universalí vel particulari alluvione aut subterraneis oceani effusionibus orta & relicta sunt, sive illa, quæ glutinum saliúmque terrestrium operâ lapsu temporis in lapides transferunt, ita constituta sunt, ut plurima suas adhuc armaturas, testarum ac corticum particulas, ad quas succus petrificus non pertigit, illæfas retineant, interioris verò structuræ ubi illa perfregeris, manifesta vestigia deprehendantur. In illis enim verò Cornua Ammonis sivè striata, sivè undulata, sivè tuberculis aut squamis non in pronâ tantùm, sed & supinâ suâ parte sibi simillima sunt, undulis, striis, articulisque totum corpus intimè permeantibus, cum irrefragabili factæ petrificationis indicio : Econtrà verò inter controversos ejusdem montis incolas, v.g. Cornu Ammonis non spinatum, quod Tab: 5. exhibet, in supernâ facie læve est (notas graphicas excipio, quas nec mari, nec diluvio adscribes) in inferiori suâ parte striis sulcisque distinctum, & anteriori structuræ prorsus dissimile, intùs verò sine ullo articulorum, juncturarum, vel concamerationum vestigio, massa

58 LITHOGRAPHIÆ WIRCEBURGENSIS

lapidea est, & omnino informis. Idem notatur in cæteris omnibus Zoolithis & Lithophytis nostris, quæ dimidiâ suâ, & quidem superiore corporis parte figuram animantis aut plantæ exprimunt, reliquâ parte immersa lapidi, unam cum ipso homogeneam massam constituunt, ut suprà cap: 2. diximus: Non igitur marinis petrificatis accenseri posse videntur.

Bufulculi, Ranæ, Lacertæ, Vespæ, Apes, Grylli, Scarabæi etiam cornuti, Scorpiones, Erucæ, & his similia infecta, ut facillimè nascuntur, ita pari celeritate diffluunt, & intereunt. Incredibile autem est animalcula ista putredini ac dissolutioni suæ tam obnoxia vehementissimâ marinorum fluctuum jaëtatione, sive diluvianâ, sive subterraneâ illæsa conservata, & sensim in lapides indurata fuisse. Aut, cum mare bestiolarum istarum Patria non sit, ac indè transferri non potuerint, quis prudens opinabitur, eas ab oceano quacunque demùm viâ in continentem effuso, fortuitò deprehensas, ac in solo nativo eum in locum projectas fuisse, ubi lapides induerent?

Diluvium, ut probabilior Doctorum tam Theologorum quam Lithographorum opinio à Scheuchzero in *Herbario Diluviano* relata habet, in Vere, & quidem Mensa Majo contigit, quod flores & folia, non fructus maturos parit. Quâ igitur ratione malum Armeniacum perfectum & integrum cum nucleo, membranâ & cortice, glandes maturas ex tenui querno ramusculo pendentes in Franconiam diluviana tempesta mirabili prodigo advexit?

Plantæ, Flores, Herbæ, quas in Tabula VI. conspicis, præterquam, quod domesticæ, non exoticæ, minùs marinæ sint, tenerrimæ nascuntur, & vel pruinâ, vel pluviâ vehementiore prostratæ ac enectæ laxant folia & intereunt. Has à Diluvio lapidi allisas, tempus paulatim ultrà densitatem sibi debitam in lapides transformârit?

An

An adhærentem flosculo Apem, Vespámve tam violentus aquarum motus avellere à floridâ papillâ non potuit, quin fixo spiculo & acuti rostelli proboscide, ceu clavo trabali affixa, & immobilis cum ipso flore lapidesceret? Idem dixeris de cellis nidulísque vesparum, quæ structuræ fragilis, & tantùm non cereæ superatis aquarum falsarum assaultibus, firmiores prodierint in solidissima faxa transmutatæ.

An cum apertis cœli cataractis depluæ stellæ in lapi-des nostros Astroitas, Heliophoros, Selenitas, & Com-e-titas abierunt?

Deniq; totum diluvianarum & marinorum aquarum impetum reticulatae aranearium telæ non fistunt modò, sed & infringunt. Grossior textura est, ut in Tab: X. vides, quàm ut Palladi moveret invidiam; Suspensam ad muscarum insidias aut alibi in telâ pertexendâ occupatam Arachnen sustinet. Huic, quam aër dissipat, quam Papilio & Musca dilacerat, pepercit undarum vis, imò ex aëre libero in tabulam saxeam situ tam ordinato, proportionato, ac lapidi commensurato transtulit, ut perpetuum fieret Arachnæi artificii monumentum?


Quid verba perdo! Nemo prudentum est, cui vel levis incidere possit suspicio, Iconolitha nostra marinis undis, sivè in Diluvio generali, sivè alio canali ex oceano deductis esse petrificata. Ex hâc tamen, quam præsenti capite insinuavimus, lapidum nostrorum specificorum & controversorum cum veris diluvianis & maritimis in eodem monte repertis oppositione, scoli quidam, & in Studio Lithographico peregrini ac hospites sinistre & perpetram inferunt, hos quidem genuinos diluvianos, illos verò manu artéque & quidem recenti factos & suppositos esse: quos ut confutem confundámque suo loco, suis ipsi cavillationibus, sparsisq; quaquaversum falsis rumoribus & narratiunculis, animo malevolo confictis,

invitum me coegerunt.

# CAPUT NONUM.

Si Lapidē nostri nō Artis, sed Naturæ opus  
sunt, in iis formandis nec Naturā ipsa, nec  
fictitiū Archæus per Geocosmum diffusus lusit.



 Thanasius Kircherus Societatis Jesu, in admirando opere suo, cui Titulum *Mundi subterranei* dedit, & ex quo ceu fonte non pauci Recentiores Lithographi suas de Origine lapidum sententias hauserunt, & amplificatas ediderunt, lib: 8. sect: 1. pag: 37. inter quatuor præcipuos modos, quibus figuræ in lapidibus oriri existimat, primo loco statuit *casum fortuitum*. Non injucundum Lectori erit, cui præstans & pretiosum opus ad manum non est, verba sagacissimi & indefessi in regno Naturæ investigando Viri apponere; *Noverit*, inquit, *Lector*, quod quemadmodum *phantasia hominum*, dum cœlum varietate nubium obductum videt, varia sibi, nunc Dracones volantes, jam naves, modò montes, urbes & castella, nunc cruces, modò humanae figuræ, & similia phasmata ex nubium incomposita representatione imaginantur: ita quoque vel in sputo in terram conjecto notamus aliquid figurari, quod modò huic, modò alteri rei simile est. Imò in itineribus videntes montium sub certâ figurâ protensionem nunc mensam concipimus, uti promontorium Bonæ Spei, nunc sub vultu humano, ut Scyllæum promontorium Siciliæ, nunc hominem supinè prostratum, ut in Apennini Camertensium monte . . . . , subindè saxa & frutices rupiumque fragmenta effigiem humanam sub numismatis figurâ ostendunt, uti Panormi Mons, qui à figurâ vulgo dicitur, monte de medaglia . . . Videas & in rudibus laterum coctorum superficiebus varia insectorum, volucrum, aliarumque rerum vestigia, quæ tam nullo à Naturâ fine intenta sunt, sed ob similitudinem quandam rerum, homo sibi talia esse imaginatur. His itaque sibi propo-

propositis jam quæri meritò posset, undè tanta imaginum in lapidibus spectra originem suam sumpserint? Respondeo omnia hæc nata esse ex fluore salini liquoris, qui ubi terrenam & appropria tam substantiam adhuc mollem, & siccitate jam ingruente in multas rimas & sinuosos ductus fatiscentem se insinuaverit, uti in marmoribus videre est, fit, ut ibidem spiritu lapidifico successu temporis omnia simul in duram & saxeam molem coalescant, ita pro rimirum fissurarumque constitutione fluor insinuatus, jam pulcherrima flumina, jam ramosas arbores, modò volucris aut insecti, aut quadrupedis formam, aut etiam humanam effigiem vel saltem aliquod humani corporis membrum, eo modo, quo potest, & pro dispositione materiæ jam siccitate in varias & rimosas vacuitates fatiscentis, delineat . . . . . Est & aliud hujus rei non leve argumentum, fortuito & casuali fluxu constituta esse similia phasmata, quod vix ulla ex iis, quæ animalis figuram mentiuntur, forma perfecta sit, sed semper aliquid ad integrum figuram requisitum (ut in capitibus vel oculus, vel nasus, in brachiis manus digitique, in tibiis pedes, quod pictorum ut plurimum industria emendat, deesse comperiatur) ita, ut non tam, quid reverà sint, quam quid fantastica facultas ea esse sibi imaginatur, judicemus, quemadmodum paulò antè de nubibus, montibus, sputo, cæterisque rebus diximus. Ecce! genuinam & candidam Viri Eruditissimi sententiam de lapidum figuris, casu fortuitò natis, aut ex phantasiæ ludibrio ad hanc vel illam speciem determinatis, ex quâ suam in Ludiones censuram deprompsisse videtur Cl: Büttnerus *Coralligraph: subterrani: cap: I. §. IX.* & seqq: cum ait: *Fabula est, Naturæ?* retraho: *Phantasiæ humanae visu abutentis . . . à judicio defertæ, confusæ, præoccupatæ, vel etiam credulæ imò mimulæ . . . quando imaginatio ex apparentiâ rerum fallitur & fallit.*

Quod casum fortuitum Kircherus, id Recentiores pasim *Naturæ*, gratosè errantis lusum appellant, quem in marmore, achate, radicibus nucum, aliisque multicoloribus faxis lignisq; admittendum esse non diffiteor, tunc maximè, cum imagines aut pictæ, aut ductis solùm ex-

Q

tremis

## LITHOGRAPHIÆ WIRCEBURGENSIS

tremis lineis designatæ, ut in Dentritis Eichstadianis, aliisque à Doctiss: Kirchero exhibitis, & à Cl: Scheuchzero in Herbario suo Diluviano de Dentritis clariùs explicatis, non verò sculptæ, in altitudinem notabilem erectæ, aut solitariæ omnino figuræ, sive substratâ, cui adhærescant, tabulâ, deprehendantur. Sed quis in lapidibus nostris Naturam sic ludere dixerit, in quibus corporum ex omni Naturæ etiam superlunari regno collectorum ( si corporis humani formas integras nondum hactenus repertas dempereris ) ectypa ita expressa perfectaque conspiciuntur, ut non solum lineæ, sed statuæ totæ vel undiq; consummatæ, vel saltem dimidiâ suâ parte ita elevatae sese ostendant, ut scalpri artificiosi ductus, strias, scissurásque te in multis observâsse jurares.

Naturæ lusus raro prominet, & vix attollitur, sed cum lapide æquabilis, lævis, & continuus est, ac in eâ solùm materiâ, in eo solo & patriâ reperitur, ubi colorum, tinturarum, salium, succorúmque diversitas in terræ siccæ hiatus & rimas insinuata, occasionem & ansam dedit, tam bellè aberrandi. Plerique nostri lapides, sive calcarii, sive lutosi, sive arenosi, unius texturæ & coloris præfatis lapidibus proprii, sunt, unde Naturæ, ludere aut ludendo pingere volenti, Kircheriani sales & tinturæ defecerunt. Marmorum, quæ pariter h̄ic magno numero invenimus, ut cap: præced: diximus, figuræ, ornamenta, & coloratæ maculæ, sunt concharum, cortici externo inhærentium, & ipsi durissimo marmori aut etiam silici immersorum, exuviae, reliquiæ, vestigia, ut ocularis experientia demonstrat.

Idiomorphi Lapides, in quibus Natura lusisse dicitur, ejusdem omnino classis sunt, nec ubivis terrarum effodiuntur, sed iis solùm in locis, quæ similis materiæ, à Kirchero descriptæ, sunt feracia: Wirceburgensis ager, imò Franconia tota montem unicum habet ( alium enim similiū portentorum feracem nondum in terris nostris, fortè nec in exteris detegere licuit ) in quo præter marmoreæ

moreæ indolis, diversissimarum specierum lapides ex arenâ, limo, lutóque coagulati & compacti, iisdem tamen formis, animantium vegetabilium characterum, nullo inter materiam factò discrimine notati inveniuntur. Quomodo hîc promiscuè, sinè delectu, sinè sufficienti apparatu, novo & Lithographis hactenus incognito prodigio Natura luderet?

Ad Tabulas, & expressas in iis Iconolithorum Wirceburgensium imagines, ceu apertissimas assertorum Testes, iterum provoco: Unicam Tabulam, eandémque Numero VI. huic capiti apposuimus, Lithophyta elegantissimè referentem. An lusit Natura, dum *malum Armeniacum* omni ex parte perfectum, maturum, sed petrificatum protulit? Dum *Tussilaginem* in folio, *Ranunculum* & *Plantaginellam* in foliis, caule & radicibus tam plenè florescensem & germinantem effigiavit? Dum Vespam dulcis pabuli illico ad florem radiatum Chrysanthemi aut Bellitis attraxit? Dum *querno ramusculo glandes* appendit? Cur colorem neglexit in his, quem aliàs in marmore, Achate, Dentrite qualicunq; tam solicite miscet & adhibet? Cur in cæteris lusibus suis teste Kirchero, deficiens & imperfectas figuræ delineans, in his aliisque nostris tam Zoolithis, quàm præsentibus Lithophytis, ultrà debitam plantis ac foliis crassitatem excedens, nativam tamen magnitudinem diminuit, detractura in uno, quod in altero liberalius profuderat?

Raticonari diutiùs in argumento ad oculum manifesto piget, ne & ipse cum verborum & temporis jacturâ ludere videar.





## CAPUT DECIMUM.

Exhibetur Decuria Lapidum nostrorum, characteribus potissimum Hebraicis insignitorum, eorūmq; succincta ex mente nonnullorum expositio.

**I**nter figuratos lapides ii præ reliquis majorem attentionem, altiorēmque indaginem merentur, qui variarum linguarum characteribus notati, à Lithographis *Lapides Litterati, Grammatiae, Polygrammi, Grammitæ* vocantur.

De his scribit laudatus Kircherus lib: 8. Mundi subterranei cap: 8. ubi ait, in agro Tolfensi repertum Lapidum quoddam genus cæruleum, in quo candidis, iisque subtilissimis lineis, quidquid figurarum excogitari poterat, à Naturâ descriptum conspiciebatur. *Inveni, inquit, non Graeci tantum, sed & Latini Alphabeti litteras omnes, præterea omnia ferè ea simplicium figurarum schemata, quæ Euclides in suis Elementis Geometricis demonstrat.* Cl: Affaltus Armari: IX. locul: VIII. Metalloth: Vaticanae adducit silicem procerum, candidum, teretem, litteris I. D. nigerrimo colore descriptum; Cui accenset Grammatiam Plinii, Smaragdo similem, & transversâ lineâ albâ præcinctum, ac toto fermè Oriente pro amuleto gestari solitum. His fortè annumerari poterunt Grammitæ micantes Cl: Langii, de quibus differit cap: 5. Historiæ Lapidum figuratorum Helvetiæ, qui characterum loco plurimis lineis variæ magnitudinis insigniuntur, quæ per superficiem lapidum modò separatae disperguntur, modò hinc inde plures colliguntur, & aliquando in medio etiam se se intersecant, appellanturque micantes, quia tota substantia eorum micis, splendore suo auro argentove simillimis instructa est. Fusiùs Cl: Helwingus Lithographiæ Angerburgicæ parte secundâ, cap: 2. per totum de Origine Lapidum figuratorum in genere, & cap: 2. de Lapidibus Litte-

Litte-

Litteratis in specie tractat, ibidemque unicè examinat Lapidem Resaviensem, imagine Lunæ Orientis, & characteribus latinis majusculis L.V.R. insignitum, de quo varia præmiserat Lithograph: Angerb: lib: 1. cap: 5. §. 9. notatque singulariter, quod inter primam & secundam Litteram, Lunæ falcatæ phasis cum suis corniculis, & circuli reliquâ parte apparente justâ proportione appareat, & reliquæ lapidis partes Pectunculis, Trochis, & Entrochis lapidi immersis repletæ videantur, ramo vegetabili à dextris assurgente. Ibidem alios adducit litteris I.C.W. & E.A.G.V.L. item G.E.V.L. inscriptos, quibus initiales characteres nominum Virorum, quos allegat, honoratissimorum exprimi arbitratur:

Hi omnes à Polygrammis Wirceburgensibus maximè in eo differunt, quod Lapidès nostri characteres potissimum prominentes, elevatos, & quasi exsculptos, illi verò lèves, cum superficie lapidum planos, immersos, & quasi Naturæ scribentis manu pictos repræsentent. Quanquam laudatus Helwingus tum l:c: tum part: 2. Litho: Angerb: pag: 46. etiam characteres Latinos & Græcos in lapidibus prominentes, & debitâ proportione extantes recenseat.

Inspiciamus nunc *Tabulam VII.* hîc appositam, & lapides singulos cum inscriptionibus suis eo ordine, quo collocati sunt perlustremus. Observandum occurrit 1º comparere hinc indè characteres solitarios, alibi integra subjectis aut omissis punctis vocabula. 2º Characteres alii exactè ad orthographiæ regulas expressi, alii ruditer, inconcinnè, ita ut difficulter dignosci queant, formati, quod an sic dictæ Naturæ vel Artis imperitæ vitio contingit, nondum decido. 3º Litteræ in vocabulis transpositæ, inversæ, & aliquando obliquè projectæ cernuntur. 4º Characteribus Hebraicis intermixti sunt Samaritani, Rabbinici sive, ut vocant, Babylonici, & in aliis lapidibus nostris Litteratis, quos numero non mediocri adhuc

R dum

## 66 LITHOGRAPHIÆ WIRCEBURGENSIS

dum possideo, Arabici, Latini, cum notis numeralibus.  
50 Varii characteres & vocabula non lapidibus nudis, sed  
Pectinitis, Conchitis, Turbinitis, Cornuum Ammonis,  
aliásque figuræ referentibus inscripti sunt, non semper  
extantes, sed aliquando incisi & profundi, ut in Tab: V.  
& præsente videre est: Quæ omnia expositionem obscu-  
riorem faciunt & difficiliorem. Communicata sunt Vi-  
ris Linguarum Orientalium peritissimis varia Gramma-  
tiarum Nostratium ectypa, qui, licet in expositione Litte-  
rarum solitiarum, aut inordinatâ earum methatesi ex-  
plicandâ, aut planè hæreant, aut sentiant diversa, in eo  
tamen unanimiter convenient, Sacratissimum Dei No-  
men, & Divinarum Perfectionum Titulos fermè in sin-  
gulis elucescere: Ex multis duorum sensa in primo hoc  
Specimine publico exhibenda existimavimus. Prior illo-  
rum Rabbinus Hebræus est, non modicæ Eruditionis fa-  
mâ celebris, qui visis duobus ejusmodi Lapidibus, sacro  
horrore percussus, post diuturnum silentium, venerari se  
dixit, ineffabile Dei Nomen in admirabili hoc Naturæ  
partu expressum: Explicationem characterum aliorum,  
& inordinatæ transpositionis rogatus, ad cabalam con-  
fugit, meritò à me rejectam & improbatam. Trans-  
misî nihilominus per Virum Judæo familiarem plures  
Lapidum Litteratorum delineationes, de quibus in verba  
sequentia ex Hebraico translata respondit: *Fateor, latet in  
lapidibus istis grande prodigium, quod humani ingenii captum  
transcendit. Invenio in plerisque Lapidibus Venerandum & Be-  
nedicatum Dei Nomen יהוה, quod verò reliquos characteres con-  
cernit, nihil certi de illis statui potest. Possent quidem juxta me-  
thodum doctrinæ & interpretationis nostræ, alia Divina Nomina  
significare, ut Nomen Dei, quod numerum 72. 63. 45. vel 52.  
complectitur, sed hoc aliarum clavium, linguarum, & Alphabeti  
inversi adjumento, nolo tamen plura scribere, quia consultum non  
effet ea typis mandare, quæ Christiani ad Religionem fidemque  
suam traducerent, adversarii verò (nimirum Judæi) ægerrimè  
ferrent. Hæc Rabbinus ille, quem perlubenter missum  
fecit,*

fecī, quia vix aliud ab eo, quam vana & inania Cabalistarum commenta poteram expectare.

Majore integritate, claritate, & eruditione sententiam suām dixit D. *Philippus Ernestus Christfels*, Illustrissimi & Excellentissimi Domini Comitis ab Hohenlohe Schillingsfürst Caſtri Wilhermsdorffensis Praefectus, Judæus quoniam, nunc sacro fonte Christo initiatus, singulos lapidum nostrorum apices operoſo examine discussit, & longa diſertatione exposuit, ex quā, prætermisſis characteribus solitariis aut incognitis, & solo cabalæ ſuperstitioſæ adminiculo explicandis, pauca quædam ſubjungo. In lapide primo, ſecundo & quinto Sacratissimum Dei Nomen Jehova manifestè expressum eſt, ita tamen, ut in fig: 1. Vau inverſum locò Jod, quod eidem pariter inverſum ſubſcriptum, in fig: 5. Vau locum Jod, & hoc locum illius occupet: cujuſ quidem transpoſitioniſ cauſam nullam ex mente ſuā, ſed ex commento Rabbinorum dedit, qui more ſuo ineptiunt, docēntque Nomen Dei Jehova peccatiſ judæorum inhonoratum dividi, ita, ut in Vau & he ſeparatiſ, ſolūm permaneat in Jah, quo Nomine Deus tam in Pentateucho, quām Psalmis Davidicis ſæpius compellatur; Significare autem Jah Deum Judicem & Vindicem (quod ex ps. 93. v. 12. derivari poſſe existimant) qui ubi per preces, & pœnitentiam reconciliatus fuerit, coire rurſūs diviſum Nomen in Jehova, quod Deum Clementiæ & Mifericordiæ oſtendat. Cæterū omnes hujus Divini Nominis characteres ſuperstitioſe colunt & venerantur judæi, undē, cum ſingulæ alphabeti litteræ Numerum ſignificant, quantâ poſſunt, cautelâ, cum numeros ſcribere volunt, eas litteras declinant. Sic quia decem in quinque valet, ſcripturi quindecim, loco in ponunt in, id eſt novem & ſex, idque in numero 16. aliisque in reverentiam characterum Divini Nominis obſervant. De Imagine Solis in fig: 1. & Lunæ in fig: 5. more Rabbinis uſitato ſuppoſitâ, credit, ſub Sole Dei

Æternitatem, Pulchritudinem, Beneficentiam, Providentiam & splendores æternos repræsentari; In Lunâ verò ceu Symbolo Parænetico Judæos admoneri, ne in fide & cultu Veri Numinis more Lunæ instabiles sint, aut deficiant.

Fig: 2. Rursùm exhibet Jehova superposito 彖. licet imperfectè expresso, de quo ex Rabbinorum Commentariis in librum Sohar, varias fabellas refert, nimirùm Nun significare numerum quinquagenarium, & appositum Divino Nominis, indicare quinquaginta annos jubilæos Dei, quinquaginta præcipuas cœli portas, & his similia, quæ prætermitto, uti & illud, quod de duobus characteribus suppositis, divinando afferit. punctum ultimo He subscriptum Symbolum esse putat Unitatis Divinæ indi-visibilis.

In Fig: 3. legit dimidiā partem Jehova nimirùm וָיַע & He, de quo varia iterum delirant Rabbini, dicentes has litteras esse basin Divini Nominis, significare Thronum & Tribunal Dei, esse Insigne Regis Regum, Notásque characteristicas, Labaro five Vexillo Dei Exercituum inscriptas &c.

In Fig: 4. ex characteribus distortis, & imperfectis nullam vocem sensumq; eruit. Citatus suprà Rabbinus videns hunc lapidem ad cabalam pro expositione confudit, cui aliam opposuit D. Christfels singulis litteris vocabulum subnectens מְשִׁיחָה רָבִנִּי חַיִל וְתִּלְפְּרֹתִין. Maschiach, Raboni chail, Damcha, pedutenu, id est, Christus Dominus & Magister noster: Virtus Sanguinis Tui est nostra Redemptio. Sed hæc arbitraria sunt, nec artem, nec ingenium sapiunt, sed copiam verborum; Quemadmodum arbitraria est expositio L. V. R. in Lapide Resaviensi expressorum, quibus singula vocabula apponit Helwings, totiesque repetit, ac multiplicat, ut integrum Dedicationem Libri primi Lithographiæ Angerburgicæ, Ludovicō Von Rauter inscriptam efficiant.

In

In Fig: 6. solas litteras earumque interpretationes cabalisticas juxta phantasiam Rabbinorum laboriosè proponit. Characterem ultimum similem ait esse Aleph Babylonico sive Rabbinico, quod cum ex Jod (in numeris valet 10.) & Vau (valet 6.) componatur, & יהוה hova Deum semper extiturum significans, eundem 16. numerus conficiat, Aleph illud Rabbinicum esse signum cabalisticum Deitatis. Similiter arguit de ס in hoc lapide primo loco posito. Componitur, inquit, ex duobus Jod, & Vau transversim interjecto, quæ numerum 26. complent. Idem numerus continetur in Jehovah, igitur Aleph est symbolum Deitatis. Quis non rideat insulas Hebræorum, lepidasque in numeris & characteribus observationes?

Figuræ γμæ characterem primum inversum, & sursum erectum exhibere putat Schin Rabbinicum sive Babylonicum; Si transversim aspiciatur, habere formam Daleth. Appositum characterem esse Jod Samaritanum, ex quibus recte se legere putat יה ש Schadai id est Deus Omnipotens, quo nomine invocasse credunt Patriarchas Deum, cum filiis benedicebant.

Figuræ γνæ litteras solum enumerat, nimirum Zain, Vau informe, He, accentum Zarcka, & coph, cum nungis Hebræorum cabalisticis, quibus Lectori B. molestus esse supersedeo.

Figuræ γνæ characteres sequentes nominat, He, Aleph Rabbinicum, Theth Syriacum, Jod, & nescio, quem characterem Arabicum, He, Jod Samaritanum, cum Kammez uno in peñunculo, non aurito vel alato, & altero transversim apposito, quæ variis combinationibus rursum Divino Nomini & Perfectionibus applicat.

Hæ Viri de me benè meriti conjecturæ sunt & expositiones, quas in epitomen contractas minimè hoc loco

70 LITHOGRAPHIÆ WIRCEBURGENSIS

omittendas censui. Quodsi certis Argumentis demonstratum fuerit, Lapides istos Litteratos, esse artefacta iudaicæ superstitionis monumenta, vix dubitari poterit, plurima à superstitione gentis Rabbinis ex arte combinatoria & cabalisticâ in characteribus tam multipliciter variatis, inversis, distortis, transpositis expressa esse, quorum omnium explicationem ex sensu iudeorum, licet fabulosam, pollicemur. Profectò lapides ad usus ejusmodi sacros iudæis posteriorum temporum in pretio fuisse, refert Rabbinus Hispanus in celebri apud Hebræos libro de Antiquitatibus Templi, cui Titulus *Schilte Hagiborim*; Tum quòd Lapides à Majoribus suis in Lege Veteri, in Titulos, Testimonia & Altaria, aut facti prodigijs memoriam erecti sunt, ut legitur lib: Gen: cap: 28. v. 11. & v. 22. lib: Josue cap: 4. v. 3. &c. Tum quòd Lex tabulis lapideis inscripta, & Tribus duodecim, totidem lapillis pretiosis in Rationali Pontificis repræsentabantur. Undè, eodem Rabbino teste, solebant varia Dei Nomina, Laudes, Benedictiones, Lapidibus insculpere, quos belli aut persecutionis tempore, ne in hostium suorum manus inciderent, calce aut luto obductos, & oblitteratos in locis abditis vel inaccessis recondebant.

Verùm, cur hos ipsos Lapides Nostros, Naturæ Effetrici, & quocunque demùm modo operanti non tribuamus? Quibus Naturæ Conditor Deus erudire nos voluerit, & Laudes & Perfectiones suas in effectibus tam admirandis elucentes, ut, cum homines Factoris sui oblii taceant, Muti, sed in figuris disertissimi Lapides loquantur.



CAPUT



## CAPUT UNDECIMUM.

An Lapidès nostri Idiomorphi artificiosâ olim manu confecti, & casu incerto in montem famosum delati, an ex causis naturalibus, more cæterorum fossilium petricorum orti & figurati sint?

Problema esto.



Uæstionis hujus dubiæ & controversæ decisiō , quod sæpiùs in præsentis Dissertatio- nis decursu innui , incerta adhuc & sub ju- dice lis est. Pro Arte rationes gravissimæ militant , nec levioris momenti pro Natu- râ : utrasque hîc perpendendas expono , suspensâ interim sententiâ meâ , quam tunc proferre non morabor , cum progressu temporis altius in montem penetraverint fosso- res , & apertiora indicia detexerint , quæ in alterutram partem , hærentem in bivio trahant & inclinent.

Ingeniosæ ac Dædalæ Artis solertiâ exsculptos esse La- pidès nostros figuratos , docere videtur ipsa eorum , for- marumque ex substratis tabellis prominentium tersissima lævitas , quasi affricto pumice inducta , dum pars eorum aversa & informis congenitâ asperitate sordida est , & hi- ulca. Jurares, deprehendi in multis scalpri ab iictu regulari aberrantis iictus , ac residuas hinc inde fissuras , ipsæ verò animantium & plantarum figuræ ita testantibus conside- rantium oculis comparatæ apparent, ut primâ statim fron- te citra ullam ad causas naturales reflexionem , artefacta es- se censeantur. Insectorum etiam exoticorum & marino- rum ectypa , bellissimè in multis vivorum prototyporum imagines imitantia artificis peritiam loquuntur ; dum ea econtrâ , quæ Naturæ opificio figurari solent , manca ut plurimum & defectuosa , ægrè similitudinem aliquam

## 72 LITHOGRAPHIÆ WIRCEBURGENSIS.

umbratilem referant eorum , quæ ex phantasiam determinantis arbitrio repræsentare existimantur : Quanquam & in nostris Iconolithis multa à perfectâ verorum animantium effigie non parùm aberrent, ostendantque imperitam sculptoris manum , formam ideamque eorum , quæ imitari fatagebat , parum feliciter assecutam. Inter insecta non pauca reperiuntur, non tantum peregrina , sed ita incognita & monstrosa , de quibus cum Naturalium rerum Scriptores, Jonstonius, Gesnerus, Aldrovandus, cæterique recentissimi , nullam mentionem faciant , eodem ex cerebro , quo Chimæræ, Centauri, & Hircocervi, nata, conficta , & in Lapidibus excisa , ad faciendam multipli bestiolarum varietate, oculis intuentium oblectationem existimari potest. Ad hæc , cur Natura , quæ in omnibus Europæ Provinciis Petrificatorum Parens dicitur , licet modo operandi partim adhuc occulto, partim manifesto, & Eruditorum industriâ demonstrato , cur , inquam , nihil alibi produxit haec tenus simile iis , quæ in agro Wirceburgensi inveniuntur ? An in solâ Franconiâ tam prodigiosa Lapidès figurandi facultate prædita , eâdem in solo externo destituta est ? An nullibi ejusdem speciei mollis gleba , terrestria salia , succi Petrifici , atque alia Petrificationis adjumenta , præterquam in Monte Eivelstadiano reperit , quorum subsidio tam insolentes Zoolithorum & Lithophytorum partus efformaret ? Quod cum difficulter adstrui & sustineri possit , meritò inter officinas artificium prima monstrorum incunabula investigantur. Ipfa Lapidum figuratorum per pedem & dorsum montis temerè sparorum frequentia justam suspicandi ansam præbet , non hoc natale Idiomorphorum solum , sed tumulum fuisse , quo artefacta , nescio quo casu delata , & lapsu temporis terræ immersa & consepulta sint. Quid de Lapidibus Litteratis sive Grammitis & Grammatiis ultra centenarium numerum repertis dicam ? quorum alii characteribus profundè incisis , plurimi eminentibus & protuberantibus insigniti sunt diversimodè , jam exactè ad orthogra-

thographiæ regulas, jam distortè, litteris inversis, transpositis, mutilis, aut formæ tam insolentis, ut, cui idiomati rectè adscribi possint, etiam Doctissimi & Polyglotti ignorent, quæ Linguæ imperitiam in rudi sculptore apertere monstrant. Nec solitarios tantùm characteres in faxis istis videre est, quod ex causis naturalibus quandoque fieri Kircherus, Assaltus, Helwingus, aliique affirmant, sed integra, rarissimo in Lithophylaciis instructissimis & penè inaudito apud Lithographos exemplo, vocabula & Divinarum Perfectionum Encomia leguntur, non in nudo solùm Lapidis substrati cortice, sed quod admirationem auget, in Conchitis, Turbinitis, Cornibus Ammonis, Cochleis &c. quæ vel profundè incisis aut elevatis modicè characteribus extollunt prodigium, si quod Naturæ operantis esset, vel ad Artem, quod cogitatu prouius est, attonitum spectatorem reducunt.

Sed nunc Oedipo nobis aut Alexandro opus est, qui gravissimæ difficultatis nodum solvat, & vel conjectando, vel hariolando edifferat, quo fine, quos in usus enumerata antiquæ Artis monumenta non finè impensis confecta sint? An Arcium, Castrorum & Palatiorum ornamenti fuerunt? Habitabatur olim Eivelstadium à Nobilissimis Franconiæ Familiis & Pappenheimiorum quoque hodie dum extant insignia. Solebant rudibus medii ævi sæculis Architecti capitella columnarum, arcus concameratum, fornices, & id genus alia, Dracunculorum, Serpentum, Simiarum, aliorūmque monstrorum statunculis exornare, quod in residuis illorum temporum ædificiis obvium est. Mos hodiernus est hortorum & fontium maximè artificialium cryptas iis animalculis incrustare, & factis veluti nidulis exornare, quæ aquatica sunt, lacus, rivos, piscinas, specúsque sylvestres incolere solita, ex quorum genere, cum pleraque sint, quæ nuper inventa exhibemus, quidni mentem subeat cogitatio, paucas istas licet pretiosiores illustrium ædificiorum hortorūmque reliquias hoc in monte præ cæteris reperiri, quod incultus & intactus

tactus perseverârit hactenus, dum colles vicini omnes vitiis consiti, exultique sunt, è quibus vinitorum laboriosa sollicitudo, quidquid occurrit Lapidum, eliminat, & in secretos extra vineas cumulos coacervat, qui, si inspicerentur, inventam hucusque figuratorum artefactorum multitudinem non mediocriter augerent, sicuti ante nostras in montis istius Lithophylacium observationes jam plures stupente vinicolarum ruditate reperti, nostram de Antiquitate sententiam, nobis tacentibus, confirmârunt. Quodsi verò ex Arcium, Hortorūmque ruinis eruere non libet multiformem Lapidum nostrorum apparatum, fortè ad reliquias Paganismi jam suprà expositas rejectásque relabimur? Non diffiteor sanè, quia pro Arte dissero; atque ne prætermittam aliquid quod opinioni à me reprobatae favere possit, ipsam Paganarum c. 4. in genere allegatarum synopsin subjicio, ut, quid ex illâ pro Lapidibus nostris inter artefacta computandis afferri possit, eorum quoque oculis pateat, quibus vel Tomi Conciliorum, vel Monumenta Paderbornensia non sunt in promptu. Sunt autem Paganiæ siue superstitiones in synodo Germanicâ & Liptinensi Neo-Christianis prohibitæ sequentes:

1. De sacrilegio ad sepulchra mortuorum.
2. De sacrilegio super defunctos.
3. De spurcalibus in Februario.
4. De Casulis, id est Fanis.
5. De sacrilegiis per Ecclesias.
6. De sacris sylvarum, quæ Nimidas vocant.
7. De his, quæ faciunt super petras.
8. De sacris Mercurii & Jovis.
9. De Sacrificio quod alicui Sanctorum.
10. De Phylacteriis & Ligaturis.
11. De fontibus Sacrificiorum.
12. De Incantationibus.
13. De Auguriis vel Avium, vel Equorum, vel Boum stercoribus, vel sternutationibus.
14. De Divinis & Sortilegis.
15. De

15. De Igne fricato de ligno, id est Nodfyr.
16. De Cerebro Animalium.
17. De Observatione paganâ, vel inchoatione rei alicujus.
18. De incertis locis, quæ colunt pro Sanctis.
19. De petendo, quod boni vocant, Sanctæ Mariæ.
20. De Feriis quæ faciunt Jovi & Mercurio.
21. De Lunæ defectione, quod vocant vince Luna.
22. *De Tempestatibus, Cornibus & Cochleis.*
23. De fulcis circa villas.
24. De Pagano cursu, quem Yrias nominant, scissis pannis vel calceis.
25. *De eo, quod sibi Sanctos fingunt, quoslibet mortuos.*
26. De simulacro de conspersâ farinâ.
27. De simulacro de pannis factis.
28. De simulacro, quod per campos portant.
29. De ligneis pedibus.
30. De eo, quod credunt, quia fœminæ lunam comedant, quod possint corda hominum tollere juxta paganos.

Ex toto hoc superstitionum Neo-Christianis prohibitarum catalogo, eæ solùm Lapidibus nostris applicari posseunt, quæ de Philacteriis & Ligaturis, forte &, quæ de Cornibus & Cochleis loquuntur.

Familiaria Ethnicis fuisse Amuleta & Philacteria ex Thomasino de Donariis & Tabellis votivis, qui Plutar-chum & Varronem testes adducit, aliisque scriptoribus vulgatum est. Suspendebantur è collo non infantium modo, sed & adultorum, è liminibus domorum, è postibus lecticarum ac parietibus conclave, ad fascinum, morbos, incantationes, incendia, aliisque mala, sub Ieorum Averuncorum (quos tamen ab ipsis Amuletis distinguitos særissimè adhibebant) auspicio avertenda: repræsentabant illa res quandoque turpiculas & obscenas, formas Deunculorum, avium, piscium, bipedum, quadrupedumque animantium, serpentum, quin & vasorum sacro-

## 76 LITHOGRAPHIÆ WIRCEBURGENSIS

rum aliorūmque inter sacrificia utensilium. De Amuletis Ægyptiorum fusè tractat Athanasius Kircherus *in Oedipo Ægyptiaco* diversis locis, specialiter verò *Tomi II. parte II. Syntagmate XIX. cap. I.* & seqq. ibidémque multiplices eorum imagines, sibi ex variis Virorum Illustrium Musæis communicatas, & æri aut ligno incisas exhibet. Capite quarto scarabæos prophylacticos quatuor describit ab Ægyptiis summè olim æstimatos, ita, ut cum aliis Amuletis in coronam colligatos collo, capiti aut brachiis impoñerent. Hos, ut aspexi, non multùm absimiles deprehendi bufunculis conchiti inclusis, quorum plures in Monte nostro collegi, unùmque Tabula II. exhibui, hoc solo discrimine, quod Scarabæi Ægyptiorum ventrem in planam superficiem elaboratum, & characteribus Gnosticis, vel Ægyptiis aliisque signis Hieroglyphicis insignitum habent. Bufunculi (Scarabæos possem dicere, adeò ad Kircherianorum formam in capite præsertim accedunt) absolutam undique concham, & ex alterâ parte rudem & impolitum Lapidem repræsentant. Isidem sub variorum animalium formâ ab Ægyptiis expressam cultámque laudatus Kircherus demonstrat. Eandem non in Ægypto solum, sed & Græciâ, Phœniciâ, Lybiâ, Lusitaniâ, Italiâ, & Germaniâ divinis honoribus ritibúsque ornatam docet Laurentius Pignorius *in Expositiōne Mensæ Isiacæ cap. 2. pag. 5.* Ubi illud pariter observandum venit, quod in *Anacephalæosi Oedipi sui Ægyptiaci cap. I. pag. 554.* afferit: Animalia quæ Ægyptii in Symbolorum vel Hieroglyphicorum fabricam assumperunt, non peregrina & extera, sed patria, domestica & ipsis familiariter nota fuisse, idque variis argumentis probat: Primò, quod Ægyptii rarò vel nunquam Philosophandi gratiâ patrium solum egredi soliti, ut qui teste Strabone & Herodoto reliquas gentes velut barbaras ignaras, & Sapientiæ suæ indigas reputarent: Artes quoque & Disciplinas veramque Philosophandi rationem nullibi nisi in Ægypto, sicut primâ terrarum, sic primâ quoque rerum productrice quærendas existimarent. - - - Secundò nullam quoque Animalium extra Ægypti limites

limites degentium singularem cognitionem habuisse Aegyptios, sed eorum tantum, quos fœcunda Mater Aegyptus illis producebat. Quod inde luculenter apparet, quia cum Aegyptii toti essent in Animalium virtutibus, indole, ingenio, sympatheticis & antipatheticis eorum affectionibus aliisque Naturæ dotibus perscrutandis, omnes eorum nutus, teste Plutarcho, & gestus minimasque actiunculas ad superstitionem usque observarent, imò maximam in hisce cognoscendis secretioris Philosophiae partem ponerent, certè earum virtutum, proprietatumque observationem, nisi in animantibus maximè obviis, iisque familiaribus minimè fieri potuisse, verisimile est. Quodsi ita, sane nulla alia animalia, præterquam Aegyptia, quorum virtutes & proprietates ex quotidianâ inspectione cognitæ erant, ad Symbolorum & Hierogrammatum structuram assumpta fuisse patet; cum nullam externorum animantium cognitionem intimam habuerint. Addit insuper: Quodsi in multis antiquis fragmentis figuræ Cervorum, Elephantum, Galorum, Ursorum similiumque incisæ reperiantur, nequaquam Aegyptiorum, sed Græcorum fragmentis accensenda esse. Ex quibus suspicari licet, ex Utriusque Gentis superstitionis artificio confectas esse animantium tam domesticorum & patriorum, quam exoticorum formas in Lapidibus nostris expressas, quas pro Amuletis & Philacteriis, cæterorum paganorum impio ritu, etiam in Germaniam ac Franciam nostram propagato adhibebant. Accepi præterea ex monte nostro Statunculas quasdam verè (ut ceptæ de superstitionis artefactis hypothesi conformiter loqui permag) ad speciem prophylacticas. Formam ferè eandem habent quam Serapes Aegyptiorum & Theraphim Judæorum, quæ Idola fuisse à Rachele, Patri suo Laban furto sublata, & à Judæis Aegyptiorum superstitionem imitantibus assumpta, eruditissimè docet laudatus sæpius Kircherus Tom. I. Oedip. Aegypt. Syntag. IV. pag. 259. & seqq. Erant autem Serapes Aegyptiorum figuræ sine ullâ membrorum eminentiâ veluti fasciis quibusdam involuta, partim ex appropriato lapide, partim metallo, ligno aut testâ confectæ. Cum enim superstitiones reliquis Gentibus Aegyptii indignationem & offendam Deorum suorum metuerent, si mu-

tilarentur eorum simulacra, tali ratione & modo con-  
struebant, quo ab omni rupturâ aut mutilatione immu-  
nia, integritate suâ, Deorum per Sacrificia attractorum  
assistentiam & influxum continuò conservarent, quod  
minimè futurum rebantur, si vel minimum membrorum  
vel incuriâ vel malitiâ hominum corrumperet.  
Quod vel maximè timere poterant in statuis ejusmodi  
prophylacticis, quas secum, quocunque pergerent, por-  
tabant, ubi ex continuo usu & circumlatione, si mem-  
bra exsuffitia essent, facile contingere poterat, ut brachi-  
um, manus, pes digitusve frangeretur. Eas proinde ta-  
li sculpturæ apparatu formabant, ut solo, eoque vel ami-  
nie munito capite extantes, reliqua corporis parte veluti  
constrictâ fasciis, infantum vel Mumiarum Aegyptiarum  
more fierent. Statunculæ meæ lapideæ non infantem  
fasciis constrictum, sed Turbinitem vel Cochleam oblon-  
gam exhibent, prominente in unâ alterâve Idoli capite, cu-  
jus locum in aliâ vel character, vel aliud signum hierogly-  
phicum occupat, quod alio loco spectandum dabimus.  
Nec abludit ab horum formâ id, quod Tab: II. videre est,  
& ad Penatum Aegyptiacorum similitudinem aliquam  
propè accidere videtur. Quos in usus Cochleæ servierint,  
divinare non libet. An Cornuum nomine Cornu Ammo-  
nis intelliġi debeat, dubito, de quibus tamen forsan ali-  
quando fusiūs, Cl: Langius in *Histor: Lap: figur: Helvet: lib: 4.*  
*cap: 1.* ex Plinio refert, Lapidem hunc inter sacratissimas  
Aethiopiæ gemmas relatum, colore aureo Arietini Cornu  
effigiem reddere, & prædivina somnia repræsentare, dum  
capiti incubantium subjicitur: Ammonis Cornu appellari,  
vel quod in solo arenoso circa templum Jovi Ammoni à Baccho in gratiarum actionem ob inventum ductu  
Arietis, quem Jovem fuisse existimârat, in Lybiâ fontem  
exstructum, occurrat, vel, ut inventores hujus Lapidis ipsum  
imposito Deaſtri cuiusdam nomine nobilitarent, vel deni-  
quē ex ipso cultu erga Jovem Ammonem. Fuit igitur  
jam antiquitūs à male credulâ Gentilitate ad superstitiones,  
quidni à Francis Ethnicis ad eosdem impios usus adhibitus?

Gram-

Grammitas nostros & Lapidés litteratos dum considero, Telesmata occurunt, non Turcis solum, Arabibus & Ægyptiis, sed & Hebræis, quorum characteres potissimum in Tab: VII. exhibemus, frequenter usitata. De constructione & usu Telesmatum videatur Kircherus Oedip: Ægypt: Tomi III. part. I. claf: V. Potissimum hujus fabricæ artificium in eo erat, quod ex Alphabeto Arabico juxta ordinem litterarum hebraicarum, potestate pronunciationis & valore numerorum æquipollentium disposito, varia formarent Nomina Dei, quæ singula in suos numeros resolvebant, singulos Numeros & litteras Præfides sibi Angelos habere fabulabantur, quos in elementa, planetas, signa Zodiaci, totius denique mundi membra influere existimabant; ex quorum combinationibus & laboriosis coacervationibus (quod Tabulas Kircherianas insipienti patet) sua formabant Telesmata, inscribebant, & insculpebant gemmis, membranis, sigillis, fasciis, vexillis &c. quæ ad varia vitæ humanæ commoda procuranda, aut mala avertenda, imò ad ultionem de hostibus sumendam, damnaque inferenda mirificâ vi pollere, impiè sibi aliisq; persuadebant.

Atque utinam malefica hæc ad pessimoſ usus construendi Telesmata superstitione apud Christianos hodie non recrudesceret! Qui insanum artis cabalisticæ studium apud Hebræos etiam perpendit, mecum non inficiabitur, confecta ab illis & in pretio habita fuisse Telesmata. Quid enim aliud Prophylacticas illas contrà febres aliisque morborum genera, contra incendia, contra tempestates & fulmina schedas, quam Telesmata dixeris, & certa continua-tæ ad nostra usque tempora superstitione vanitatis documenta? Abutebantur hunc in finem Divinis Nominibus & Cognominibus, quæ varie in Sacris Codicibus expressa, suis ipsi observationibus, calculationibus, scribendi pingendive modis ad effectus extraordinarios impetrandos intor-quebant, ut ex iis, quæ laudatus Christfels de Lapidibus nostris ad Tab. VII. ex Scriptoribus Hebraicis succinctè attulit, colligitur, & intimus Doctrinæ judaicæ inspectoſ ac

Religiosissimus Censor Kircherus cit. p. 1. Tom. III. class. IV. doctissimè demonstrat simul & confutat. Inspice nunc B. L. Lapidés nostros characteribus Hebraicis insignitos in quibus cum Dei Nomen Sacratissimum diversimodè expressum legis, nunquid venire in mentem potest, judaica hæc Amuleta fuisse, in montem istum vel judæorum superstitiones suas cum Eivelstadio migrarent, occultare volentium industriâ, aut alio quocunque demùm casu defossa? Nec obstant obvii in litterarum & vocabulorum figuris errores, metatheses, characteres ignoti & peregrini, ex quibus vel mysterium aliquod, vel imperitiam sculptoris, vel exoticum secreti studium in gente perfidâ judicabis. Opinabantur aliqui ex sepulchris Eivelstadianis lapides nostros Hebraizantes, ut ita loquar, in montem nostrum delatos: Verùm Telesmatis & Amuletis propiores sunt, quàm sepulchralibus Epitaphiis. Insculpunt iis Judæi quandoq; unum ex signis Zodiaci conveniens Mensi, quo natus in mundum defunctus fuit. Si de stirpe Leviticâ sanguinem traxerat, pelvis apponunt cum malluvio, si de genere, ut somniant, Aaronico, manus efformant, inciduntq; methodo sequenti complicatas: Pollicem pollici, Indicem indici, & medios digitos complicatos apprimunt, annularibus & auricularibus elevatis, quo gestu dum benedicit populo, indentem digitis Dei Spiritum sibi fingunt, nec intueri, ne cæcitate percutiantur, manus præsentia Numinis sacratas præsumunt. Simile nihil hucusq; deprehensum est, præter notas stellarum & characteres sàpè dictos, qui ad Philæteria aut Telesmata rectius, quàm ad monumenta defunctorum spectare videntur.

Atque ita vix aliquid à me prætermissum aut dissimulatum esse arbitror, quod ad Lapidum nostrorum originem ab Arte antiquâ petendam vel proponi vel excogitari possit. Nunc pro Naturâ Iconolithorum tam mirabilem effectrice loquendum est: quod priusquam aggrediar, per brevem apologiam interponere compulsus sum, ad famam meam ab imposturæ notâ, & à modernæ Artis novitate Lapidès Wirceburgenses vindicandos.

CAPUT



## CAPUT DUODECIMUM.

Lapides nostri Idiomorphi non sunt recenti arte manúque facti & suppositi, ut quidam fingere, & palmare commentum, sparsis quaquaversùm fabellis & narratiunculis publico venundare, non verentur.



Etuli in prooëmio rarissimam figurarum in Lapidibus nostris novitatem, nec Herbipoli, nec inter exteris, quantum ex pluribus diversarum Nationum Lithographis, eorumque commentariis discere licuit, visam aut cognitam, Viris Litteratis ansam dedisse, nescio quid, de suppositione & imposturâ suspicandi. Hos inter ille ipsissimus fuit, qui post habitam à me aliisque amicis frequentem montis & effossonis inspectionem, diligēnsque circumstantiarum huc pertinentium examen, mecum de rei veritate jam certo & penitus convicto, in locum monstrorum ejusmodi feracem profectus, suāque manu non unum figuratum lapidem effossum, non modò testatus est, sed & de eorum origine sententiam rogatus, dixit, *credere se Ikonolitha ista arte facta esse, sed antiquā, & Gentilissimi Veteris reliquias, Episcoporum Germanicorum & Carolomanni Ducis studio, Christianæ plebi, superstitionis Ethnicorum ritibus adhuc addictæ eruptas, ac in hunc montem abjectas;* de quo cap. 4. disserui. Securo igitur tranquillóque animo calamóque ceptam de hoc argumento dissertationem prosequabar, quam jam penè ad calcem perduxeram, cum inopinatus ad me rumor defertur, spargi per urbem passim, atque apud Magnates præcipue ac Eruditos, Lapides ad unum omnes, quos Virorum Sapientum judicio edito tractatu exponere vellem, *recenti manu & arte exsculptos, atque per*

*intervalla, inde tanquam ex vetustissimo tumulo erutos, mihiq; fraudis ignaro, & cæcâ curiositate avidè abrepto venditos esse: Deceptum me, pari infelicitate mundo illudere, dum merces putridas & novitas pro genuinis & antiquis, non sinè tacito Prudentum risu venales exponerem.* Obstupui vehementer, cum fabulæ hujus & atrocissimæ calumniæ authores intelligerem esse Duumviros, vel par antagonistarum potius, quorum nominibus certis modò de causis parco, omni alias à me officiorum genere cultos, & aliquamdiu Societatis Academicæ collegas. Cur, inquiebam, si quod prudens in materiâ ancipiti dubium occurrit, si iterum suspecta esse cepit Lapidum genesis, cur mihi, aut si animum in me præoccupatum aversabantur, cur aliis toties ad controversias Litterarias expendendas congregatis proponere verebantur? Cur argumenta pro antiquitate Lapidum istorum in cœtu publico allata, oppositis fortioribus non eliserunt, & occultæ fraudi larvam detraxerunt? Cur dissimulârunt tamdiu, & nunc demum litem acerbam movent, cum opus sub ultimâ manu & in vestibulo est, ut in publicum progrediatur? Nimirūm studio honoris mei, imò urbis & patriæ se incitatos dicunt, ut nunc cursum vanissimi laboris mei sistant, cum precipitio proximus, famâ perichter. Supprimendum opus, quod exteri sannis excipient, & præproperum Authorem vel supinæ ignorantiae, vel manifestæ imposturæ arguent. Si ita est; cur clam me aguntur omnia? Cur præsentem & sæpius familiariter colloquentem non admonent, edocent, dehortantur? Si suppositio ipsi tam certa & aperta est, cur machinas occultas substruunt? Cur delatione & demonstratione publicâ non ostentant? Cur viam modumque adhibent, Viro cordato & honorato tam indignum, tam inusitatum? Attende, obsecro, B. L. rei contra me gestæ succinctam seriem. Paucis ab hinc septimanis alter Duumvirūm, montem haec tenus iustis de causis occultatum, ipsique bonâ fide & Amicitiae ergo sub rosa detectum, me inscio, & quod scire potuit debuitque, invitissimo propalat: Itur in locum magno

máximo strepitu, constituuntur fossores, multis inspectantibus eruti Lápides, coram oppidanis inter pocula, falsitatis, suppositionis, & imposturæ accusantur, & non sine dictériis condemnantur. Non multò post alter Dúumvirūm, artificii, quod in paternâ fortassis officinâ didicit, specimen facturus, Lapidibus tractabilioribus characteres hebraicos cum cultello, hebræis in circumcisione usitato, formásque Dracunculi alati, Muris, Leonis, Mali granati, &c. insculpsit, nonnullos eorum in diversis montis famosi prominentiis suâ manu supposuit, unumque ex his & alterum Lapicidæ puer, hunc in finem magnis pollicitationibus conducto, & subornatō, mihi vendendos commisit. Redit mox fraudis minister puer, venditæ imposturæ pretium exhibit, applauditur, & pro re benè gestâ liberale prœmium offertur.

Te nunc Benevole Lector appello, ad tuam æquitatem provoco, Te arbitrum constituo. Quis machinationum tot clandestinarum scopus fuit, nisi, ut sumptus, labores, operam, famamque meam hoc astu velut iictu único prosternerent & profligarent? Et respondisset fortè tam callidis conatibus optatus eventus, nisi vigili oculo, propitióque Numine patefacta fraus, ne adolesceret, incunis suffocata fuisset.

Sed indulgeamus aliquid consiliis & votis æmulorum nostrorum: demus spurios istos artis novitiæ partus genuinis lapidibus nostris permixtos, inventos, & Lithophilis obtrusos esse; An ideo, quidquid Iconolithorum à me sex mensium spatio inventum est, imposturam sapit? Nulla ætas, nulla Provincia est, quæ falsarios passa non sit, & monetæ corruptores. Sunt, qui Nummos Romanos, Græcos, Ægyptios, aliósque, gemmás quoque scultas tam dexterè imitantur, ut peritissimos Antiquarios decipient; idem de picturis & statuis judicium esto: An ideo Nummi omnes, quibus vel in quotidiano commer-

82 LITHOGRAPHIÆ WIRCEBURGENSIS.

cio utimur , qui in agris , villis , vineis , urbium & sepulchrorum ruderibus , in Romanorum Græcorumque priscis stationibus reperiuntur , an gemmæ , picturæ , statuæque omnes , quæ in Technico-thecis Regum & Principum asservantur , non antiquæ artis monumenta , sed adulterina impostorum artefacta sunt , antiquam elegantiā peritæ fraudis imitatione mentientia ? Sanæ mentis nemo id affirmare , nec ideo suppositorum numero genuinos lapides nostros accensere ausit , quod invidæ artis industriâ paucos aliquos effictos & Lithophilorum manibus obtrusos intelligat . Hoc ut pluribus rationibus demonstrem , Te præprimis B. L. monitum velim , figuræ omnes , quas in Tabellis huic Dissertationi insertis spectandas exhibeo , longè antea à pictore delineatas , & Chalco-grapho demandatas esse , quām Duūmviri isti de movendâ controversiâ cogitarent , aut antiquitatem Lapidum suspectam haberent , nihil proinde conspectui tuo considerandum dedi , quod novus iste Praxiteles scalpro & ingenio suo queat vindicare .

Longè antiquiora sunt , vivuntque cives in oppido vicino honestissimi , qui jurati testantur , jam ante annos multos proles suas , dum ludibundæ in monte isto vagarentur , Lapidès figuratos attulisse domum , non sinè parentum admiratione , qui tamen ignari , quo in pretio Litteratis sint saxeа ista prodigiâ , nonnulla curiositatis gratiâ asservârunt , plurima neglexerunt . Quis ille præterlapsis temporibus artifex fuit , qui sumptus & operam impendit , ut clam pueris ludum faceret ? Scilicet quod priscæ fidei & integritatis indigenis in mentem non venit , peregrini & advenæ audaci temeritate moliuntur , non ut pueris , sed Viris ex omni ordine Gravissimis ; imò toti Franconiæ imponant . Quibus enim rationibus poterunt persuadere , ingentem Lapidum effosorum copiam artificiosâ falsarii cujusdam fraude tantillo tempore confectam , & in hunc locum omnibus obvium , oppidano-

rum

rum in vineis contiguis æstatis, autumni, Veris, imò & hyemali tempore hærentium oculis expositum ita clanculo deportatam esse, ut nunquam furtivi vespillonis umbram aut vestigia observarent. A mense Junio præterlapsi Anni 1725. usque ad Novembrem per intervalla & vix non per otium, conducti à me operarii, montem perlustrârunt, rigidissima anni currentis hyems & densæ nives suspenderunt negotium, donec solutâ glacie, mitior tellus cœlumque, lagoni aditum in viscera permitteret. Effossa sunt sex mensium spatio figuratorum lapidum circiter duo millia, iis non annumeratis, qui vel diluvianis accensentur, & ingenti copiâ sese ostendunt, vel qui monte jam patefacto à tenuioris fortunæ incolis lucri causâ promiscuè eruti, venales circumferuntur. Testantur præterea scultores nostrates, Zoolitha & Lithophyta plurima in faxibus solidissimis, siliceâ aut marmoreâ duritie præditis adeò exactè bellèque animantium aut plantarum formas referre, ut vel uni exsculpendæ unius & alterius diei labor continuus vix sufficiat, id quod experienciâ propriâ Novitus ille suppositorum lapidum Artifex forsan didicit. Finge nunc, & crede, si libet, sex mensium spatio ingentem Iconolithorum numerum tanto labore, nec minore pretio ab unico fossore ignaro confectum, & eo fine in monte defossum, ut unus ego in fraudem inducar. An absurdius commentum Cretensium mendacissimus excogitavit unquam, & auditoribus obtrusit? Fossores meos, quorum operâ hoc in negotio unicè usus sum, quod attinet, tres sunt germani fratres, pauperculæ viduæ filii, quorum natu maximus ætatis annum decimum nonum nondum explevit, reliqui pueri sunt. Hi artis sculptoriæ prorsus rudes, quod D. Parochus, & Magistratus oppidi, de educatione eorum, modòque vivendi, séque alendi quām optimè informati testantur, mercenariam operam lapicidis in montibus vicinis locabant, & accepto pro diurno in eruendis faxibus, aut glebâ, fragmentisque removendis labore, modico stipendio, se matremque suam utcunque sustentabant: à me  
Y autem

autem casu fortuito conducti, & liberaliore laboris pretio illecti, relictis fodinis sese totos eruendis minore difficultate lapidibus meis impenderunt, modo quidem, quo poterant, occultissimo, ne & alii spe paris lucri incitati se socios laboris adderent, lucrūmque diviso, inter plures operæ pretio, diminuerent. Horum artibus quò minus adscribi possint lapides nostri Idiomorphi, facit figurarum in plerisque exacta ad Naturæ prototypon imitatio, plantarum exoticarum, & peregrinorum animantium in his terris vix Litteratis visorum & eleganter expressorum frequentia, characteres & vocabula diversarum linguarum modis tam diversis, nunc inversi, nunc transpositi, nunc debito ordine collocati, & quæ alia sunt saxorum istorum portenta, tum etiam puerorum fossorum ætas, imperitia, simplex integritas, in quam technæ tales minimè cadunt. Si dicis aliorum artificio effictos, fossorum manibus monti illatos, ac rursus effossos, mihique venditos; Næ tu opulentum & industrium tibi impostorem fingis, qui in fraudem, simplici puerorum loquacitate facillimè manifestandam, sumptus laborésque immodicos, incerto eventu impenderit, & hodiecum impendat, ut diversissimis operariis montem jam notissimum scrutantibus suppetant ea, quæ vendant inquilinis & exteris, ac ita non soli mihi, sed & quam plurimis aliis, licet ignari, illudant. Cur variant modo Duūmviri, & sculptos nunc proclaimant, quos paullò ante figulorum opificio, factâ per formas (tam diversas nempe) impressione, igne coctos, & quasi lateres tostos esse volebant? Cur à Sententiâ Paganismi magno strepitū & non sinè ambitiosâ historicæ observationis jactantiâ quaquaversūm prolatâ recesserunt tam subitò, convicti nimirūm lapidum multitudine, quam minimè sperabant: scilicet à Lusu Naturæ Duumvirūm alter ad Paganismi reliquias, ab his ad imposturam delabitur, factus denique iterum Ludio, quod priùs esse detrectabat?

Ipsa montis inculti constitutio iniquæ cavillationis fal-

sitatem, rubigine, ut ita loquar, gramineâ, quâ incrustatus

cer-

cernitur, ad oculum demonstrat. Est, ut *cap. 2.* dixi mons sterilis, virgultis hinc indè ex Betulâ & Abiete præsertim enascentibus hispidus, muscoso & annoso gramine fruticibus & radicibus arctè implexis, reticulari veluti loricâ testus & armatus, nec ab hominum memoriâ ligonem aut harpaginiem passus (cacumen excipio ; pro terrâ habili vinetis importandâ sæpius aperiri solitum, sed saxorum figuratorum minimè ferax.) tellure sub viridi clypeo intactâ, & virgine. Itaque densus iste ramosusque terræ cortex priùs perforandus, dilacerandus, ac removendus est, priusquam in glebam lutosam penetrates, in quâ lapides nostri, si non generantur, saltem cujus cunque demum artis & operis pervetusta monumenta delitescunt : si proindè falsariorum nuperrimorum dolo & studio lapides noviter sculpti ac dicto in loco reconditi sunt, deprehensa fuissent recentis fissionis vestigia, laceri corticis spectabiles fissuræ, hiulcum solum, & similia laboris etiam à mense tentati peractique documenta. Nihil istiusmodi haetenus observatum est ab iis, qui repetito sæpius itinere, mutatis pro arbitrio fossoribus usi, jam hoc, jam alio in loco, prout opportunum videbatur, penetrarunt in montem, laborantium manibus vigili oculo intenti, ne, quod pariter jactitatum fuerat, in ipsâ fissionis occupatione lapides sub veste absconditos clanculum projecterent. Horum Nomina testimoniâque, ut ex Gratiose Eorum Annutu possem, si hoc loco apponerm, erubescerent obtrectatores mei, & serâ audacis cepti pœnitentiâ ducti, recidere in caput authorum telum calumniæ non sine vulnere sentirent, præsertim, cum institutâ inquisitione convicti, & ex propriâ confessione, suppositionis rei declarati sint.

Verùm nunc cæcutiunt omnes, soli ipsi plùs Argo oculti sunt : vident soli, quia soli invident. Supposititii lapides omnes sunt, quia Duumvirûm alter spuriū artis suæ fabrilis, dicam, an sculptoriæ opus malâ fraude suppo-

86 LITHOGRAP. WIRCEBURG. SPECIMEN PRIMUM.

suit; Tot Testibus omni exceptione majoribus, nedum verbis meis fides non habetur, quia Litteraturæ Franco-nicæ restaurator, si superis placet, & Polyhistor non dixit, qui id solum credi, & pro oraculo haberri vult, quod, & quia ipse dixit: *αὐτὸς ἐρα.* Occurrit opportunè mihi Plauti Curculio, in quo Comœdus dixit, descriptsque omnia, quæ de Viro nimiâ philautiâ occupato dicere sapientes possent.

*Date viam mibi, noti, atque ignoti, dum ego hic officium meum Facio, fugite omnes, abite, & de viâ secedite,  
Ne quem in cursu capite, aut cubito, aut pectore offendam aut genu &c.*

Sed parcius ista modò. Arroganti epistolâ Praxites supradictus bellum indixit: commentariolum minatus est, quibus lapides meos *suppositios* demonstrabit; erravi: non meos, sed quos suâ manu finxit & supposuit, suos scilicet. Sic homo obscuri hucusque inter Litteratos nominis, & Scientiarum Tyrocinia nondum egressus, auroram claritatis suæ in calumniâ ac imposturâ verè erubescendâ quærerit. Expesto firmo pede Schediasma, imò Satyram, quid enim mitius è calamo animoq; tam amo ro promanabit? sed vitio mihi non vertet ipse, nec quem patronum & adjutorem, si non authorem litis intentatæ & motæ habet, si orbi diducto velo ea postmodum laceffitus & provocatus aperiam, quæ nunc tacitus prætermitto. Non possum tamen, quin symbolo gemmæ, quâ epistolam comminimatoriam obsignavit, aliud opponam personæ ipsius magis conveniens. Rosam sibi audax Novator elegit floridam & spinosam, cum Lemmate: *Non tangor impunè:* Rosam sculpere debuisset, sed foliis deciduis marcidam, reliquo calvo sterilique stolone, solis spinis armato, subscriptâ Epigraphe: *Supereft vis sola nocendi.* Expositionem lemmatis aut ipse sibi faciet, aut ego in extortâ justâ veritatis & innocentiae defensione orbi explicabo.

COROL-

## CAPUT DECIMUM TER- TJUM.

Afferuntur rationes æquè graves pro Origine  
Lapidum nostrorum figuratorum, Causis  
Naturalibus, non verò Arti tribuendâ.

**I**psæ mihi viam præclusisse videor, Natales Lapidum Wirceburgensium è Naturæ penu de-  
promendi, dum plerasque causarum Natur-  
lum, quibus celebriores Lithographi fossi-  
lium monstrorum partus tribuere solent, Idi-  
omorphis saxis nostris minimè applicari posse, superiùs  
ostendere conatus sum. Quodsi tamen Caput quartum, ubi  
Reliquias Paganismi rejecimus, attentè examinaveris, Ar-  
tem non minùs ac Naturam inter Iconolithorum tam pro-  
digiosorum genarchas non computari, ac de utrâque idem  
suspenso judicio, me existimare affirmabis, præsertim cum  
ea, quæ de Amuletis & Telefmatis cap. xi. attigi, facillimè  
evertantur, si vel ipsi Lrides non in solo typo, quem absen-  
tibus communicare potuimus, sed quales, quâque formâ  
eruuntur, spectandi præsentibus porrigantur. Unde fa-  
ciliis conjectura fit, non ad scalpra statuariorum, nec ad  
figulorum rotas, nedum ad insidiosas æmulorum, ut mi-  
tiissimè dicam, manus confugiendum esse, ut fossilium Ani-  
mantium, Plantarum, Stellarum, aut similium figura-  
torum genesin detegamus. Noverunt Lithographi, &  
si spectare coràm aut possent aut vellent, tûm in dome-  
sticâ Lithophylacii mei supellectile, tûm in famosissimo-  
rum Scriptorum tabulis æneis exhiberem ea, quæ extra  
Franconiam Natura Thavmatura operata aut imitata  
est. Peritis & oculari experientiâ edoctis loquor, quibus  
nec mirum, nec insolens videbitur id, quod ager Wirce-  
burgensis peperit, si iis comparetur, quæ in Helvetiæ,  
Hunga-

88 LITHOGRAPHIÆ WIRCEBURGENSIS

Hungariæ, Austriæ, Saxoniam, Episcopatūs Eichstettensis, Hassiæ, Thuringiæ &c. montibus, Fodinis, antris & specubus tantâ multitudine reperiuntur, quin ulli Inventori Lithophilo Artis in saxis istiusmodi elaborandis impensæ suspicio inciderit. Exemplis illustrare assertum possem, sed quia brevitati studeo, nec textum verborum meorum, more multorum, suppositis notis, & exscriptis Authorum suffragiis & longis digressionibus, ad procurandam Dissertationi in modum codicis infarti spissitudinem, famamque multæ lectionis aucupandam, amplificare volui; ad Eruditorum, quibus talia nec nova, nec peregrina sunt, assensum confidenter provoco.

Invenitur in Monte Eivelstadiano Lapidibus nostris de artificio suspectis permixta ingens Chamarum, Pectinum, & Pectuncolorum, Tellinarum, Musculitum, Ostracitarum, Conchitarum, Cochlearum, Turbinatum, Nautilorum, Cornuum Ammonis diversarum specierum, copia, eodem terræ sinu, eadem terræ glebâ recondita, quæ alii Diluvianis reliquiis, alii projectis oceani, per occultos fluminum è sinu suo orientium canales, terram permeantis excrementis, alii aliis Naturæ petrificantis operæ attribuunt: Cur in istorum analysi ad causas naturales recurrimus, fratres verò gemellos, figuratos, inquam, Lapi des cæteros eodem è gremio effosios Novercæ Arti adjudicamus? Quis parentum tam diversorum sobolem genuinam alteram, alteram spuriam & adscititiam uno in sinu & acervo ita commiscuit?

Inveniuntur non paucorum insectorum, plantarum, fructuūmque figuræ solitariæ, & suis matricibus involutæ, è quibus, ut ex ovo pullus, exclusæ apparent, docentque, quod genus unde domo. An fortè ut gypseæ formæ cera, ut argillaceæ metalla, sic liquefactæ subterraneis pyrophylaciis, aut radiis solaribus, aut imbrium alluvione, petræ infusæ sunt, & excavatam Arte glypticâ cancrorum, lacertarum, cochlearum domiportarum imaginem induerent? Quis malum Armeniacum Tabula VI.

ex-

expressum tam dexterè ex lapide prorsùs arenoso formavit, ut nucleus suis membranulis & cortici involutum, & à reliquâ fructûs massâ separatum, illæso cortice inse- ruerit?

Inventa sunt æstivo tempore in monte isto insecta vi- va, planè exotica & incognita, aranei vultûs humani tru- cem formam referentes, quales Ulysses Aldrovandus fi- gur. XV. de insectis sub nomine phalangii sive Tarantulæ describit: In Tab. XXI. fundulum intueri licebit, exactissimè etiam quoad colorem cæteraque attributa cum Tel- linulis nondum penitus petrefactis expressum: Domun- culæ vesparum cerosæ, non lapideæ, & alia id genus mul- ta, quæ ibidem petrefacta, effodiuntur. An viva illa ani- malcula etiam Arti accensebis? Et cui alteri quàm male- ficæ, si è naturalium animantium classe excludas?

Inveniuntur eodem in loco frequentes siliceâ duritie lapides, quibus fluor seleniticus & cristallinus coloris lutei petricosus inhæret, in guttas & globulos, in columellas & gyros, variis cavitatibus hiantes eundem planè in mo- dum induratus, quo summâ hyeme deciduæ è tectis ni- vium liquefcentium stillæ, aut in cryptâ subterraneâ Homburgi ad Mœnum succus destillans petrificus in cu- neos, vel glaciales vel saxeos congelatur: &, quod causæ naturalis opificium manifestius commendat, fluor idem quandoque in bufunculum, alibi in lacertam, sed dimi- diâ suâ parte perfectam desinit, ut operis incepti fastidio correpta Natura, aut aliunde impedita desisse videatur. Atque hæc ipsa materia Ikonolithorum nostrorum plasti- ca, hæc fortassis origo & semen existimari potest. Non possum hîc præterire ea, quæ Cl. Helwingus *part. I. Litho- graph. Angerburg. pag. 35.* refert, argumentum hoc meum non mediocriter illustrantia: *Reperi, inquit, in Angliâ propè Harvich, ad littus Oceani, penè ad milliaris distantiam, lapidum numerum ingentem, nam totum illud spatiū, sicut alia littora arenam, loco istius petrefacta corpora, parva, magna, monstrat in maximâ quantitate & abundantiâ. Non potui differentiam,*

## 90 LITHOGRAPHIÆ WIRCEBURGENSIS

quam proclivis ad generandum *Ancilla summi* (*Natura*) ibi ministrat, satis admirari. Nam licet omnes ex luto certo pingui, quod agitatione maris rotundam istam, quam præferebat, figuram edidicerat, essent fabricati, diversi tamen coloris, magnitudinis, consistentiæ, mixturae erant infinitæ. Aliqui duritatem perfectissimam acquisiverant, & nihil erat, quod ipsos non assimilabat lapidibus illis, qui in plateis Londinensibus reperiuntur, quidam autem incipiebant primùm indurescere, & quorundam pinguedo erat tam mollis, ut digitorum vestigia, quando imprimebantur, relinquere. Narrat postmodum, quâ ratione ipse molli huic glebæ characteres varios impresserit, acus infixerit, spatio horarum 12. tam fortiter induratas, ut sine effracto lapide evelli non possent. Pergit, & ait: *Observavi etiam à siccitate solis & soli limum istum in quibusdam geniture & suæ speciebus fissuras parvas, & in majoribus majores accepisse, & postea salis quandam efflorescentiam cum liquore lapidescente mixtam locum & rimaturam explevisse, unde marmoris mirè variegantis species in pluribus reperiebatur.* Confer nunc hæc Lithographi expertissimi dicta cum iis, quæ cap. II. de Indole & plexu lapidum nostrorum commemoravimus: dubitabis sanè an littoris Harwicensis potius, an Montis nostri glebam describere Helwingus voluerit. Inveniuntur in eo Britannici maris littore *varia petrefacta corpora, parva, magna*, inveniuntur eadem in Monte nostro; *Lutum pingue est, alicubi induratum, alibi indurescere incipiens, alibi pinguedo mollis*, quæ omnia solo nostro conveniunt. Invenit ibidem *marmoris mirè variegantis speciem*; idem cum summo intuentium stupore & hic comprehenditur, ubi politi Conchitæ & poecilospermi lapides detracto cortice marmor exhibit, rubei, subflavi, cinerrei coloris, in quo venarum & macularum multicolorum locum subeunt, concharum, pectunculorum petrificatorum nigræ, albentes & flaventes lineæ, cæterorum marmorum striatam varietatem superantes. *Petrefacta illa littoris Harwicensis corpora Naturæ opera agnovit Helwingus*, licet suâ ipse manu artéque figuræ quasdam curiosi-

riositatis studio impresserit: Tu quoque è numero Naturalium effectuum petrefacta nostra non eliminabis, licet Antagonistarum manus non curiositatis, sed cavillandi studio, suis quædam simulacra scalpellis formaverint.

Quid si pro vindicandis Naturæ lapidibus nostris, in sententiam anonymi à Büttnero in Coralliographiâ subterraneâ ex Cl. Spenero non sine aculeo perstrictam descendens dicerem, hanc esse naturam lapidum nostrorum, sic figuratos nasci, esse Lapidès Sui Generis ab Authore Naturæ sic conditos, qui non minorem lapidibus, quàm vegetabilibus & animantibus varietatem pro liberali Omnipotentiæ Effectricis fœcunditate indiderit.

Opinionis hujus piæ magis & expeditæ, quàm eruditæ & physiologicæ rationem aliquam peto, ex Conchitis & Pectinitis, qui tanto numero passim, etiam non inquirentibus occurrunt, ut amplissimis mœniis & palatiis exstruendis abundantissimam materiam, eamque pretiosam & solidam, quia marmoream, suppeditant, quos marinis partibus, quo minus adscribas, obstant doctissimi Langius & Luidius iis argumentis, quibus diluvianos acriter impugnant. Cornua Ammonis per Franconiam milrena & millena in lapidicinis effodiuntur; solus ego ad ducentas elegantissimarum figurarum & specierum diversissimarum etiam ad multarum librarum pondo cum & sine juncturis, articulationibus, concamerationibus possum, nec omnia acephala, sed capitata, rostrata, oculata. Nec ullus est, quod sciam, legerimvè, qui tot diversas testas, pisces, aut insecta viva vel extincta, quorum formam exhibent, sive in gyrum convoluta, sive explicata, ex quocunque mari vel lacu extraxerit, dederitvè spectanda. Et, quare obsecro, inter tot cornuum Ammonis & Nautilorum millia, non in monte solum Eivelstadiano, sed in singulis lapidicinis ac vineis frequentissimè se se offerentium, nec unicum quidem cum armaturâ crustæ, testæ, corticis aut squammarum & tegumentorum vestigiis hucusque licuit reperire? Cur Pectinitæ, Pectunculi, Chamæ, cæteraque conchylium lapidescentium ag-

mina iis nativis armaturis semper destituuntur? si pisces illi aut infecta marina monstrofa fuerunt, quo vento, quâ procellâ, ex quo Oceano in Franconiam delata, qui in cornua Ammonis undulata, sed diversis capitibus, striis, sulcis, tuberculis ornata, rarissimo nec haetenus viso prodigo indurata à me servantur? Quis in Conchitis arctissimè conclusis & effraetis infecti alicujus reliquias unquam conspexit? Quis Peetunculitas in internâ suâ parte naturâ suâ alias læves, tot striis sulcîsq; non secùs ac in extimâ facie suâ inaravit?

Quis Lithographorum perspicacissimorum Cornuum Ammonis tam diversorum genesin ad hanc usque diem ita dilucidè & irrefragabili calamo detexit, quin gravissima supersint argumenta, quæ eorum è diluvio universali originem dubiam faciant, & incertam? de tot Conchitis pelagiis & anonymis nec à *Listero* nec *Bonnano* descriptis & depictis, quorum haud mediocrem etiam apparatus mons noster alit, sintnè singuli prosapiæ maritimæ adhuc sub judice lis est. Cum conchylia illis similia è maribus vel ejecta, vel ab urinatoribus extracta, nec meum nec aliorum conspectum hucusque subierint, licet selectissimorum testaceorum utriusque etiam Indiæ aliquot millia aliquando habuerim. An non igitur dicendum foret mecum, quod sint lapides generis & indolis suæ, non minus ac gemmæ, marmora, magnetes, pyritæ aliisque mundani lithophylacii prodigia & ornamenta? Quid si & idem de lapidibus nostris figuræ tām singularis edixeris?

Sed manum de Tabulâ. Tabellas meas Examini Virorum sapientum subjicere volui, eorūmque sententiam in re novâ & ancipiti experiri, non meam dicere; Eruditis seribo, in re tam controversâ erudiendus doctissimis responsis, quæ vel à typo, vel à calamo expecto. Lumen Lithographi illustres, ut spero, affundent, argumento quām insolenti, tām obscuro: Huic faculam quoque meam superaddam, & quid Wirceburgensis Ager continuato fossorum opere imposterum detexerit, & quidquid penitus sentiam, palām facere, & declarare.

non gravabor.

CAPUT



## CAPUT DECIMUM QUARTUM.

Synopsis Tabellarum reliquarum, in primo hoc  
Lithographiæ Wirceburgensis specimine  
exhibitарum.

**P**ostquam hactenus de Lapidibus figuratis Agri Wirceburgensis in genere, ac de nonnullis, licet breviter in specie differui, insertis hinc inde ad fidem verbis faciendam Tabulis, supereft, ut reliquas, ad promissum ducentorum & ultra Iconolithorum numerum complendum, conspectui & exanimi Tuo sistam. Id verò Te B. L. monitum præprimis velim, in feligendis ac disponendis lapidibus non observatum à me ordinem, quem Zoologi & Lithographi per varias regnorum Naturæ classes, ipsaque animantia & vegetabilia in suas species redigenda adhibere non ingeniosè minis, quām eleganter consueverunt. Ut methodum fortè non adeo perfectam probatāmque tenerem, temporis brevitas, operis maturati, quandoque alternantibus munerum meorum publicorum curis ac laboribus interrupti acceleratio, &, quæ præcipua causa fuit, lapidum, nondum in tantâ multitudine, quâ illos hodie posfideo, coäcervatorum paucitas, è quibus selectum pro arbitrio facere non licuit, sed prout effodiebantur, in hunc, quem exhibeo, qualemcumque ordinem collocare, & pictori delineandos, chalcographo laminis insculp endos tradere coactus sum. Omissis igitur tabulis septem, quas in præcedentibus paginis videndas dedi, à Tabulâ octavâ exordior.

Exhibet illa in lapidibus (qui omnes ad vivum & juxta nativam suam magnitudinem, exceptis paucissimis, imò etiam crassitiem, quantum fieri penicillo potuit, ac

94 LITHOGRAPHIÆ WIRCEBURGENSIS

totam formam delineati sunt) insecta Terrestria; Exanguia, Apoda majora & minora, nimirum Limaces, Cochleas domiportas, & Lumbricos Terrestres.

*Tabula IX.* Insecta minora terrestria tam polypoda, quam oligopoda, non alata, ut Formicas, Forbicines, Scolopendras terrestres &c.

*Tabula X.* Insecta minora terrestria, aptera, sive alis carentia, & oligopoda, nempe Araneorum diversas species, cum & sine telis.

*Tabula XI.* Insecta minora aptera, sed polypoda, Erucarum scilicet multiplices figuræ.

*Tabula XII.* Animalcula sive insecta majora pedata non caudata, tam terrestria, quam amphibya, Bufones terrestres, Ranunculum viridem, Bufones aquaticos & Ranas palustres.

*Tabula XIII.* Animalcula sive insecta majora terrestria pedata & caudata, Lacertas, interque eas unam bicipitem, Salamandram.

*Tabula XIV.* Insectorum analytrorum, nudis & detestis alis volantium, Muscarum, Apum, Crabronum, Libellarum, Vesparum varias species.

*Tabula XV.* Similium insectorum alatorum Papilionum videlicet diversas species.

*Tabula XVI.* Ejusdem classis Perlas, Libellas, aliasque peregrinas & planè exoticas.

*Tabula XVII.* Insectorum alatorum, & à potiori Coleopterorum, sive alis opertis præditorum, Locustarum nimirūm & Gryllorum seriem.

*Tabula XVIII.* Insecta alata vaginipennia sive coleoptera, Scarabæos, Cantharides, Cervos volantes.

*Tabula XIX.* Insecta tam terrestria pedata & caudata, quam animalcula aquatica exanguia, cruxtracea, pedata & caudata, ut Scorpiones, Astacos, sive Cancros fluviales, Squillas &c.

*Tabula XX.* Animalcula marina crustacea rotunda & pedata, ut Cancros marinos, Paguros, Oestros marinos.

*Tabula*

*Tabula XXI.* Varios pisciculos tam fluviatiles, quam marinos, eosque monstruosos, Fundulum præprimis cum Tellinulis nondum penitus petrefactis repræsentat.

Atque hæ sunt Lithographiæ Wirceburgensis Primitiæ, quas, ut ederem, & Patriæ illustrandæ, & studii nobilissimi amor me incitârunt. Fateor, retraxi sæpè manum ab opere cepto, abstractus & officiorum meorum diurnis nocturnisque laboribus fatigatus, qui necessarium lucubrationi in Patriâ novæ, ab exteris moroso examine discutiendæ otium vix indulserunt. Accessit inconsulta & importuna Duumvirūm non contradicendi, quod Viris Litteratis de re obscurâ disputantibus in votis est, sed conatus meos insulsis dicteriis evertendi prurigo, quorum alter extrâ chorū & ordinem saltans, falcem alter messi alienæ immittens, Dissertationem de rebus non suis, nec studia, doctrinam aut negotiationes eorum concernentibus, sed unicè meam, & physicam, innoxiam prorsùs nulli non modò non molestam, sed ob Argumenti in Franconiâ detecti novitatem desideratam, & meis sumptibus procuratam, in progressu retardâssent, nisi devicto, quod ingerere moliebantur, laboris tædio id sæpè volvissim animo:

Tu nec cede malis, sed contra audentior ito.

Non cessi, ut imposita primo specimini coronis demonstrat. Nec porro cedam, æque promptus ad asserendam causæ æquissimæ veritatem, ac paratus fui ad Lithophylacium hoc Franconiæ novum Orbi demonstrandum.

Viris verò Litterarum & Scientiarum politiorum ac reconditarum Cultoribus & Patronis libens summâ, quâ omnes colo, observantiâ, me, calamumque meum submitto: Illorum judiciis, si sensis, si rationibus meis præponderaverint, palmam concedam, acquiescam. Sin veriora occurrent mihi, in secuturo forsitan Lithographiæ Wirceburgensis specimine, majore Iconolithorum appa-

96 LITHOGR. WIRCEB. SPECIMEN PRIMUM.

ratu, meliore ordine digesto, novisque iisque rarissimis exoticorum figuratorum lapidibus instructo eâ moderatione, quæ Christianis Philosophis, imò Ethnicis benè moratis in usu & pretio fuit, exponam, ut Dissertatio tūm prima, tūm altera amica sit, sine felle & Alöe inquisitio veritatis.



Admonitio ad Bibliopegum.

Tabula I.	inseratur ad pag.	39.
II.	- - -	ad pag. 42.
III.	- - -	ad pag. 49.
IV.	- - -	ad pag. 54.
V.	- - -	ad pag. 58.
VI.	- - -	ad pag. 63.
VII.	- - -	ad pag. 65.


Reliquæ ab VIII. usque ad XXI. inclusivè juxta ordinem numerorum suorum consequenter ponantur  
ad pag. 96.



EDIDIT INUMERAS SPECIES PARTIMQUE  
FIGURAS.  
REDDIDIT ANTIQUAS PARTIM NOVAMON-  
STRA CREAVIT. OVID. L. A. METAM.





TAB. I.






TAB. II.







TAB. III.






TAB. IV.











TAB VI.











TAB: VIII.






TAB.IX.












TAB. XI.












TAB. XIII.







TAB. XIV.






TAB. XV.







TAB XVI.












TAB. XVIII.







TAB XIX.













TAB. XXI.







SMITHSONIAN INSTITUTION LIBRARIES



3 9088 01058 5917